


TNC 3209/3234.7

3

36959





寧波府志卷四

志

南京兵部尚書郡人



寧波府知府蜀威遠周希哲訂正

疆域志

司馬氏曰先王疆理天下分制五服各有境土蓋
畫一不相犯矣而王封既移其吞噬暴滅者日相
尋也是故取麥取禾至於交惡鄭璧許田迭相貸
假卻至敢爭於周三卿四征於魯其違於分封夾
輔之舊遠矣郡縣既設帝王會有代謝而封域因

之經焉分符之吏各制其有而輻輳並集以會于
天子星羅碁布莫不可四履而數計之也寧波緣
海而郡南界於台西界於紹而東與北則直以海
爲界東極海岸凡百有四里東南極海岸凡百一
十有二里東北極海岸凡七十有二里北極海岸
凡六十有二里而自海岸而遡於大海東極於石
馬山之洋可六百里東南極於踞門山之洋可八
百里北極於蘇州之洋可千五百里東北泛於大
海可千里此蓋以海潮測計之也其南極珊墟嶺

之海凡百四十有六里西南極杉木嶺凡百二十
有六里皆際於台州其西則極桐下浦凡百二十
里西北極鳴鶴鄉之雙河凡百有五里皆際於紹
興郡之疆域其大都若此矣分爲五縣縣各有域
而疆域之定經於天則有分野制於地則有形勝
有山川成於人則有風俗以故類而列之成疆域
志

鄞爲附郭居四邑之中東至陽堂鄉育王山隴東
河舖三十有五里界於定海南至鄞塘鄉傅霸河

五十有五里界於奉化西至桃源鄉潘舉嶺三十里界於慈谿北至老界鄉磚橋舖十有五里界於定海東南至豐樂鄉之金裁山九十里界於奉化西南至通遠鄉梅山嶺百七十里界於紹之餘姚東北至老界鄉張家堰四十有一里界於定海西北至清道鄉西渡三十有五里界於慈谿其東西相距凡六十有五里南北凡六十有六里延袤總百三十有一里

慈谿治郡之西北東至梅林涇鸕鷀浦六十里界

定海南至鍾乳山潘舉嶺三十里界鄞西至桐下湖從浦大江八十里界餘姚北至海岸六十里界海鹽東南至西渡江心十五里界鄞西南至陽溪村石門山百里界餘姚東北至鴈門嶺六十里界定海西北至上林鄉八十里界餘姚東西相距百里南北九十里延袤百有九里南其百有九里奉化治郡之西南東至藤嶺道陳嶺七十里界鄞南至柵墟嶺六十里界台之寧海西至六詔嶺百里界紹之嵊縣北至北渡大江四十五里界鄞東

南陸路及折海水路至鄞港中流白石山凡五百
七十里界象山西南至杉木嶺五十里界寧海東
北至金莪山嶺六十里界鄞西北至箬坑嶺百二
十里界嵗東西相距百七十里南北百有五里延
袤二百七十有五里八十里界餘姚東西距百
定海治郡之東北東切海岸自海岸出蛟門極於
舟山盡一潮可二百里南至靈巖鄉育王山三十
有五里界鄞西至清泉鄉浦橋北五十里界鄞北
亦切海岸自海岸盡平江海洋可二百二十里東

南至海晏鄉烏崎山海洋百有十里西南至崇丘
鄉張家堰三十有五里東北切海岸自海出金塘
約半潮可百五十里從金塘至舟山二百里西北
至靈緒鄉東墟步百二十里界慈谿東西相距三
百九十里南北二百五十有七里延袤六百四十
有七里

象山治郡之東南東至東殊凡八十里界鄞南至
秋廬門海港百九十里界寧海西至碇倉山脊百
里界寧海北至嶼山十五里界鄞東南至海岸六

十里西南至漁溪海港碇倉山百五十里界寧海
東北至鄞港中流翁山四十里界鄞西北至鄞港
中白石山二百四十五里界奉化東西相距二百
里南北二百有五里延袤四百有五里
總郡之疆域東西二百二十有四里南北二百有
八里東抵翁洲南望華頂西接會稽北距瀚海延
袤四百二十有二里西北至省城四百八十里至
南京一千三百八十里至北京四千五百五十里
水路四千六百三十八里

分野

司馬氏曰夫日月星辰在天成象山林川澤在地
成形雖清濁異質而二氣不殊軌矣次舍有度封
奠有域璣衡之運逆順安犯而祥沴見焉是故王
者體國經野必先別其分星此非示人以詭道也
所以省淑慝而詔救政也寧波故禹貢揚州之域
於春秋爲吳越於分野爲星紀爲斗牛女之次於
辰爲丑自星經散逸而說天者互有異同夫亦信
其可知者而已

周禮大司徒以土宜之法辨十有二土之名物
保章氏以星土辨九州之地所封封域各有分
星後世說天之學皆因之然皆迄無定據獨僧
一行謂天下山河之象存乎兩界而以星辰河
漢別其陰陽升降配以古今輿地是曰分野則
諸家說天之祖也春秋州鳩禘竈之徒所論諸
國分星詳矣然不及吳越寧波故禹貢揚州之
域於春秋為吳越地於分野則始見於周禮鄭
玄註曰星紀吳越也范曄 心星紀起斗十度

至婺女七度於辰為丑於分野為吳越然則郡
之所占蓋斗牛女之次矣晉書星紀起斗十二

度比范志減一度費直星紀起斗十度比范志多一度終婺女

五度比范志減二度蔡邕星紀起斗六度比范志多五度終婺

女二度比范志減五度一行星紀起斗九度比范志多二度終

婺女四度比范志減三度諸說星紀丑分皆不

因之然語斗牛女為吳越之分一也班志吳斗

分野越牽牛婺女分野此又分星紀為二而吳
與越又自有分矣以事應驗之漢桓帝熹平間

熒惑入南斗會稽許昭聚眾為亂攻破郡縣此

斗又兼屬越獻帝建安初歲星熒惑太白聚牛女孫

策權開江東此見牛女陳之末有星孛於牽牛

叔寶亡此又牽牛兼吳越邇嘉靖癸卯七月熒惑入南

斗占主東南大饑荒是冬及明年春自淮揚大

江而南歷蘇松浙東西斗米數百錢道殣相望

此斗又兼吳越然則星紀之在吳越又不可分矣春秋

越得歲吳伐之卒受其咎此又實有所分與班

志合然以天官書論之又別有指按遷史天官書歲有

蠲舍而前曰贏退舍曰縮贏其國有兵不復縮其國有憂將亡吳越均在星紀然吳在越北越在吳南豈是時歲之所入適歷北而南吳當其退度而縮越當其進度而贏故越有吳兵卒不使吳得復而吳因以亡乎此當驗歲之退吳而進越不當言越之得歲而吳之不得歲正

不可以此而分星紀矣有辯星紀之非吳越者

曰吳越南星紀北然以曆家仰儀之理推之仰儀

反以觀天取光之所燭為驗則星紀在北而光燭於南其以

吳越當之者從星紀之所燭也春秋元命包牽

牛流為揚州分為越國虞翻曰會稽上應牽牛

之宿下當少陽之位此又不及蓋舉其中牽牛

則前後二星皆舉之矣故言吾郡之分星其為星紀也信矣若其他有應在星紀而不專於吳越者又有占吳越而不止於星紀者天官書歲右轉居丑與斗牽牛俱出東方名曰監德其失次有應見柳旱水晚旱班志亦曰歲星正月晨出東方石氏名曰監德在斗牽牛失次旱水晚旱按二史所具畧同然柳為鶉火荆豫分是星紀又應荆豫又班志孝景元年正月癸酉金水合於婺女婺女粵也又為齊二年七月丙子火與水晨出東方因守斗十二

月水火合於斗斗吳也又為粵按吳越為斗女固矣然又以女占故三年有七國之禍吳膠東膠西淄川齊遂破滅伏尸流血其下孝武建元三年四月有星

孛於天紀至織女織女為婺女北星占曰有女變陳皇

后廢則女又占后宮元鼎中熒惑守南斗南斗越分越

有呂嘉王后之亂漢兵誅南越此又及於南海不止會稽之越

元帝初元元年四月客星大如瓜在南斗第二

星東五月渤海水大溢六月關東大饑琅邪人

相食此則南斗亦占齊分哀帝建平二年二月彗星出牽

牛夏賀良等請改元建號曰陳聖劉太平皇帝

未幾卒有王氏之篡此牽牛又繫漢室興亡之運星經北斗

玉衡第六星主揚州以五巳日候之以丁巳日

候吳郡會稽此吳越又應北斗之第一行所論六星不止占星紀矣

星紀分野自廬江九江負淮水之南盡臨淮廣

陵至於東海登萊又逾南河豫州得漢丹陽會稽豫

章西濱彭蠡南涉越州此寧紹盡蒼梧廣西南海廣東

古自粵之國又不止一趙佗之粵循是求之自有大司徒

保章氏之說而鄭玄所定分星因焉時所謂吳

越者自勾吳於越之地言之也周之初淮夷猶

在中國之外於吳越宜益遠矣虞肇十二禹貢

九州則司徒保章之星土宜止此而春秋乃以

吳越定星紀是已濶於周禮之初意况自吳越

之外而有一行所陳如斯邈哉及推之遷史班

志星經等著而星紀之占又不止吳越吳越之

應又不專星紀班志復曰牽牛日月五星所從

起曆數之元三正之始而遷史亦曰斗牛女察

日月之行以揆歲星順逆此豈星紀之次本有

定分而其所關者大有不限於吳越之區者乎
若夫北斗玉衡執天之樞九星宜各有分主而
吳越亦與丁巳之占豈其他所入之度有深淺
緩急而其歲月日次亦有辛壬癸甲乂近晨夕
之異致乎此固今靈臺司曆者之職而分符治
郡者所當躬修而俟應者也子產之言曰天道
遠人事邇舍是則吾不知之矣

形勝

郡故會稽屬邑自唐肇為明州州以四明山名四

明為三十六洞天之一

見福地記

蓋發自天台屹峙於

郡治之坤隅上有二百八十峯綿亘明越台三郡
之境迤西入東北則為錫山為大雷為蜜巖為石
樓松巖鰲山西山出石塘外為城山赭山大隱極
於驃騎天柱挹於大海北極海之陽山迤南而東
則雪竇鎮亭亘連山走鄞城越新嶺金莪天童太
白睨鄒峯玉几而東盡於穿山峭頭入海復岷岷
翁山散為桃花金塘岱秀補陀諸山其南分天台
之支為象山東分太白餘支入海為蛟門虎蹲之

謂天設之險其伏龍之支則循沙而行奠定海之
淡口為招寶大槩山發於坤東北而走而海抱於
良仰接下沙中為定海之江直接甬水南滙北渡
源鎮亭它山之泉北入丈亭通餘姚江上接昌嵎
諸流合抱於郡城之下定江之南又環以小淡百
里而接於五鄉之磯又南則黃溪澹港直抵長亭
古洞包奉化之山而北則滌以曹娥益為外沙唐
餘姚縣併入蓋郡之形勝山水吐吞高深映帶東
句章蓋取此南扶輿之氣實鬱盤於斯吳虞翻云東漸巨海西
通五湖南暢無垠北

浙江負溟渤控扶桑倚巨鎮吞長江蓋衣冠之淵

抱負滄海枕山臂江實東南之要會

藪而神仙之窟宅也袁楠志地浮羸海登高而賦

輿圖嶠方壺瀛州蓬萊古稱神仙窟宅又入參天

地英材間生一郡衣冠之盛百世不改其山川之

儲精毓最其奇者丹山赤水近暎天門雪竇金莪

遙瞰南障其他煙洲霞嶼雲谷龍宮水簾留鬼谷

之居蓮嶠著遺塵之蹟雖十洲既遠月湖內三島

終遐亦騷墨之所遊騁者乎其地西南阻山東北
限海非叔季之世絕鮮壤地之爭自唐大曆始亂
殆於元末而方氏入據中間豈百二十二將亦比
金人之屠則繫宋運之衰廢

寧波府志卷四
之齊秦非邪乃若茫茫巨海窮睇無際番舶會集
貨貝駢臻誠足爲利而不逞狡夷弋利釁邊每亦
由此故望海之鎮自宋已經國家雄圖於今滋重
南控昌國北倚臨觀經象山則石浦錢爵扼其衝
制慈谿則龍山觀海議其後控定海則穿山嵩鄞
捍其南宅翁洲則岑寶螺岱維其外朦腫雲馳砲
火風發遠邏陳錢近把蛟口而居重於定海首尾
長蛇蓋不特郡治之壯而五邑之保障得此爲固
矣若夫川原之互經險阻之盤礴原非四戰之地

邇者逋寇流突恒自台來然而越銅壇過虎跑
四境之外可以制守而近自缸窰又近而西店十
面埋伏皆斫樹白書之地要在先發以制人乎五
邑分治疆域不同鄞附於郡而別敘四邑其餘文
之可徵如陸雲答車茂安書王應麟七觀張得中
形勝賦并論風俗人才備矣張詞非雅馴然譔次
昭約庶生斯寓斯可以一覽而鏡也

慈谿

縣負山而治山起於艮爲天柱峯高插天表層岡

連亘翔舞而南至乾隅再聳爲石刺峯半絕直下
爲支隴從中蜿蜒如游龍者里許昂首左盼爲浮
鰲山縣治奠焉治之左爲上午舉東嶺出其腋又
左爲花瓶峯馬舉山清道山抵夾田江伏脉亂流
爲管山前抱于巽隅治之右爲黃庫舉爲大樣山
西嶺跨其肩又南爲大寶峯而蓬山振于申位大
抵左山秀衍而羸右山雄壯而峙環治九嶺皆騰
驤拱向即堪輿家所稱九龍戲珠之勢故又謂縣
治爲珠山新城雉堞循山而起街衢縮三衡六方

如棊局畫象坤爻闐闐整整西南其戶其前則內
外二江潮汐吞吐支流緒派包絡市廛登邑而望
江南諸山懸青獻碧若玉屏外障而雙頂山之巧
秀赭山之豐隆又爲西南之旁輔其後則滄溟迥
浸龍頭龍尾耦峙於二隅浪港掘泥諸山胥爲聯
屬烽砦相望兵衛有嚴平曠可屯隘翳可伏雖非
百二之險而扞禦海夷亦坐據其勝者也他若鳳
山西翔獅峯東踞丈亭總三江之衝抱子逸龍蛇
之狀皆足以壯邑都之觀而日月之湖並麗於鳴

鶴佛蹟之異三見於大蓬是亦一方之奇而方輿之所爲志也

奉化

奉之山發于新嵒水歸于定象度山水之會而邑焉右則華頂雄起秀叅晴昊左則金鐘逆峙勢砥中流前則文峯玉几而西山南山奠于坤巽之維後則蓮巖錦屏而銅山金莪應于乾艮之位靈泉出襟葉溪後帶而鎮亭一溪環遶三面此內觀之也外則東南暨海而有珊墟舍輞之橫列西北

層巒而有剡源大江之周旋流峙交雄高深互禪天成地設險不可踰此亦足以守矣若夫巖石倚霄而棋枰列象溪匯耀日而碑影呈祥梅山一勺潛應海潮雪竇名區遠孚睿感千丈之巖瀑泉飛雪九曲之溪流水涵雲鯉湖並石門之靈鳧巖埒隱潭之勝右軍硯石在六詔之巔彌勒鉢巖出錦屏之境黑水衍派巖肖龍鱗丹霞封崖洞留仙跡井叶宮商地中樂府街呈星月世上天衢山稱蓬島翠疊樓臺石號夫人卉成簪珥兩巖象鷺鷥之

巧雲峯透鵝鳩之奇此又形勝之特而爲一邑之殊觀也

定海

邑當郡之咽喉環以長江匯以溟渤蛟門虎踞重關天設達蓬截莫而東趨伏龍蜿蜒而南首盤舉據三十六盤之勝瑞巖逞十有二峯之奇欽岑萃嶺倚矗雲隈翁山則鸞鷲星羅金塘則芙蓉青削寶陀馬跡東霍桃花含靈毓秀碧洞丹崖爲幽怪之托踪者蓋不可勝紀也招寶則屹立海口抵障

狂瀾升高縱覽旁眺八垠溟渤鴻濛浩乎無涯洪濤天際卷雪轟雷元氣吞吐地軸推移驗海潮之應月觀旭日於扶桑倏若凌虛倒影排雲御風三山赤水飛仙往來之處恍忽可得而窺也至如高麗日本琉球三韓之屬峙列島嶼若鳧若鷺若隱若見納質貢琛帆船踵至魚鹽商賈航甌舶閩浮會達吳率以是爲通衢萬竈雲屯舟師鱗萃扼險而守于今最稱重鎮焉

象山

象環邑皆山而治奠於象山之麓山形肖象因以
名邑其山發跡天台蜿蜒逶邐凡數百里重巒疊
障起伏隱見駟逸虬騰龍蟠虎踞厥中平衍膏腴
之田彌望足稱樂土東接扶桑南抵琉球西達甌
閩此其大觀之槩也古昔流覽者品題八景曰伏
象屏張曰玉几案列曰鳳溪環遠曰鷄籠屹峙曰
丹山插漢曰滄海連天曰龍洞宣靈曰文峯挺秀
非詭狀也至如瑞雲憑虛靈巖瀑布五師飛錫三
萼送青亦各擅其奇絕所謂海色蓬萊不其是乎

山作高城負之爲固海濱巨浸阻之爲深地匪
四戰勢堪自守有警則水陸可通易於禦侮無事
則山海可采便於治生茲固天設之險而地成之
利也矧昌國石浦當南海之衝爵溪錢倉據東隅
之會左遊仙右南堡趙魯附其背陳山扼其喉烽
檠整隍聯絡布散相爲犄角使將領得人海艦不
廢據險守阻以防不虞則雖姦黠萬億莫敢誰何
古稱小國有扞禦之備况因其地利而爲之者乎
晉陸雲答車茂安書

縣去郡治不出三日直東而出水陸並通西有大湖廣縱千頃北有名山南有林澤東臨巨海往往無涯汎船長驅一舉千里北接青徐東洞交廣海物惟錯不可稱名過長川以爲陂塘茂草以爲田火耕水種不煩人力決泄任意高下在心舉插成雲下種成雨旣浸旣潤隨時代序官無通滯之征民無饑乏之慮衣食常充倉庫恒實榮辱旣明禮節甚備爲君甚簡爲民亦易季冬之月農收旣畢嚴霜墮而蒹葭委林鳥祭而蔚羅設因民所欲順

時游獵結罝繞堽密網彌山放鷹走犬弓弩發馬鳥不得飛獸不得逸真光赫之觀盤戲之至樂也若乃斷遏回浦隔截曲隈隨潮進退採蚌捕魚鱸鮪赤尾鯧齒比目不可紀名鱠鮓鯪炙鱖鯪烹石首臠鯊鰲真東海之俊味肴膳之至妙也及其蚌蛤之屬目所希見耳所未聞品類數百難可盡言也昔秦始皇四方奇麗無所不有猶以不如吳會之鄉東觀滄海遂御六旬南巡狩登稽嶽刻文石留鄞縣三十餘日且彼吏民恭謹篤慎敬愛官長

鞭朴不施聲教風靡

宋王應麟七觀

東野先生發光環堵根極深寧慕白賁以息影玩
素履以洗心有南州公子儼然踏門言曰切懷太
史公之志廣覽四方之恢恠慤怪升高能賦山川
能說庶幾一二於君子之九能今至是邦也願啓
我以偉觀博我以奇槩先生曰余臥游詩書之園
脉不踰几席敢誦舊聞吾子自擇焉昔嘗窺宛委
之簡見神禹之山經東有山曰句餘實維四明南

餘姚北句章二縣以爲名即山氏州倣自開二

盛成叶其山嶸嶸龍從豁豁欽崱極顯蒼危

青方石四面天劃神剡出入三光牕豁牖欲此

眉於天姥接五界於金庭茲謂赤水之天瑤扉

而不扃松晉羨期之儔來宅來燕彷彿壺瀛駟此

藥鷲娛翔紫清山中人兮冠切雲駒皎皎兮鴻冥

冥或梯空而上或履雪而行從逸老以逍遙賦二

韭與三菁景幽棲之至行道義重而貨輕珍木嘉

草蔓藟專榮沾甘濟芳有果青櫨茗十二雷采櫨

區音勾萌川原出焉練澄黛渟雲蒸雨降豐我稻杭

其下桑土蠶綸七侯切繭純紅女織斐交接吳綾躡

跂躄即履以攀躋徑沓嶂之紆繁係參同之伯

佇客星之子陵軼埃壒乎區外連飛遯而離羣

石之東山謝敷之太平咫尺可尋也爾乃地載神

氣支分脉聯大隱之峯名士楊適生焉鳴鶴之岫

二虞喜荔地焉將與子朋霞侶月釣石耕煙諷遠

遊於穹谷吟考槃於鳴泉分靈藥之刀圭友造化

而飛高玄倘有意乎彼謂鯨鮫霧溼之蟠鬱未知

有建德之國空同之仙公子曰愚行天下睹終南

嵩岱之高興公孫綽字登陸褊矣先生曰觀於海者

難為水駕言徂東浩漾滄溟羲和浴於搏桑日杲

采兮金鉦朝朝夕汐與月虧盈有鮪如山從以鯤

鯨神虬襄首吐雷嘘雲方其駿濤虎浪之興銀峯

萬仞雪屋千層窳空兀嶽沃日吞江雷公為之矍

踢天杭為之蕩震真盧賦竇志未能該也穆之燕

字圖論目擊其真天門之水濯濟潤澹泫泫汨汨

遠注析木三吳轉粟粲粲粒玉饑毗印哺檣連尾

屬負舶迅舸變縹似接切夷琛東泊青徼南薄朱垠

登山而望渺渺鷗鷺之浮天根候五兩以颿颿爰

居戢而激氛雕題卉服駢音韓貂鷄林揚柁東門艤

鷁江濬爰有狡猊犀象翠羽火齊薇水龍鱗之馥

郁蟻珠木難之瓌麗杜揚蘇鸚杜揚編言奇寶所未編辛文

計然不能計世道宏隆如濤降升蓋獻龜于明者

治之屯雨毛于鄭者亂之萌在昔勾踐疆宇至鄞

仰瞻沼吳蒲羸之濱曰甬甸東浹口外洲戰爭蟻

穴興亡貉丘秦政騁欲狼心未滿游鄞踰月從流

忘反海水羣飛洪荼于民一瞬為墟鮑車魚魯逮

漢六葉濯征東粵句章出師命臣韓說典午末造

妖寇鴟張裕以豪英往戍句章唐季不綱盜覆此

城巨容劉姓筒箭獲醜策勲想霸諸夏吞六王之雄

圖螭舟兕楫射蛟之弧殿殿闐闐愴陽侯駭天吳

矯矯三將如熊如羆電矛雨矢揃子踐切刈攘除威

殫勢遷鮒入鯢居昆明幾劫桑田半蕪吾將放其

遺躅既堙沒而無餘矣建炎凱獻於高橋六飛安

行於海澨隱士相如劉姓掄忠納說何懋賞之謬謬

豈亦若新城三老之縹緲莫秋千古以永懷澹

東波之無窮誦往聖之緒言嘗乘槎其焉從壯魯

連之高路閔精衛之深哀子好游乎公子曰水至

平端不傾心術如此象聖人不在險也請更端以

教先生曰海物惟錯雋味崑崙馬任公垂餌便蝦蟹

切揄竿波臣效異鱗萬介千寸鮓腹蟹亭以埼名

漢律獻醬惟遠見珍蚌菜疲民君嚴孔殺奏免貢

纔鯽骨元豐仁儉蚤蟹蜂蛤蟹鯨鯢鮑首石齒鋸

赤尾此日續品類之數百愉茂安之慘楚文市攸

聚水族有簿兼韓子之南烹藹鱉蠔與章柱雖石

華海月之詩綺貝繡螺之賦弗能殫舉東眺余之

之鰓魚容切邪頭之鮓眉便切潘國之魴且甌之蜃珠

鱉紫紘居怯切其來如雨鱣魴鯨蠃數以盆鼓於是

擊鮮鼎食羞用膳經嘯父蝦鯨側下切宣子魚食陳

登之鱠虞棕之鯖芼以秋菘醑以冬橙掇苔髮以

為菽醉螯杯而未醒若乃潤下作鹹散鹽為貴宿

沙肇音而海王去聲之策祈望之守昉於齊而征

利漢郡設官三十有六會稽則海鹽居一此三縣

猶未置也考諸唐志鄧始有鹽晏巽管權法寔以嚴海瀕雅孝弗能音耐苦淡若作和鬻甘者音齶齶音咸

酌醴燔枯鱸鮑恣啖繇是亭監碁布牢盆歲增負

塗山積燧素雪疑剪竹箠以供煬釋耒耨而肆勤

一希俱便切三斛川浮陸馳行商通其價音齶巡院譏

其私盖日用飲食不可以無朝整箬裹其功與豔

醬俱馬齒水精冰鏤霜明古云食肴之將詎屑玉

而噉瓊東箭落茁越竹筍萌楊氏之果染霞垂星

鹽去聲為夏槁屏羶撤腥飫高裘之菜食羹荷氏之

足云魚鹽之轉民殷財阜不謂之樂郊郭公子曰

海加租魚不出鹽額利而人窮怨不聞蕭望之朱

文季之言與吾冬餽夏越音奉葵菜不糝味無味

夫何慊願聞所以利民者先生曰先民有夏董力

溝血魏之豹起漢之倪白疏泉灑流沕涌膏澤維

鄧之邑厥壤鹵焉原高隰下易曠以溢相時鍾洩

守宰道職我懷休明循良輩出幹造化機卷舒神

術有豐饒變滌濟惟一觀乎句章漢陂之舊內史

俗復所居民富言觀乎南湖曰小江溉田置堰元

嗚氏王蘭... 如古桐鄉觀乎西南堰曰仲夏
頃凡數千... 家築者季友... 意以厚下湖有
廣德是在... 刺史曰何... 姓增修勿壞夷庚起隄
响也建埭... 其埭閘利... 微害大... 議請復志不克
遂唐有西... 湖爰在東... 郊陸令開... 廣農殖嘉... 苗湖姓
以錢亦處... 東鄱受溪... 七十二環... 塘八十里... 四十一
隄重治者... 李即夷庚... 滿滿清渠... 有苑有茂... 有蒲菡萏
煙海鴈鳧... 鳧蓋自晉... 以來遇川... 水種既浸... 既潤民食
無乏方勇... 介甫鳴弦... 乃隄乃陂... 瘠土衍沃... 遺黎之

思吏隨以... 窳棄稷弗... 務新溝之... 歌靡聞均... 水之約
莫舉... 泮塞而... 圻龜坊庸... 圯而涸... 鮒曩晦一... 鍾今
食二釜孰... 能論夫愛... 民者塗之... 人可以為... 禹公子
曰佐耕以... 水展也民... 利思不出... 位吾將有... 俟欲聞
閔大傑特... 之觀無隱... 乎爾先生... 曰明多名... 山竺乾
氏居之寶... 地金繩祖... 花禪枝南... 有雪竇東... 有太白
飛瀑淙淙... 層巒巒巒... 巒魚轄切... 大梅之巉... 崿衣荷食... 松
之詠澹如... 也玉几之... 岸嶺神耀... 得道之銘... 炳如也
吳氏子真... 松風隱居... 陳蹟故在... 是邪非歟... 文正文范

正之詩大年姓楊希白之筆釋子之所夸詡存乎否

乎雖然著本論者惡其學幻而言龐意者避世之

士晞髮濯纓岑蔚林密魚潛龜藏思昔山人有徐

名廣孝經之指王茂剛蔣季莊顧主簿三隱席珍韞璞不

斬流俗之知已姓李璜也自謂似龐蘊僧騰客之該

洽故老稱美今崑崙之下豈無草耕木茹匪黃匪

緇蟬蛻囂滓欲往從之耄且休矣子謂斯何公子

曰姑舍是側聞是邦鴻生碩德所治教也南豐曾

子江漢星斗之望牧於斯忠肅陳公雪竹霜栢之

操貳於斯船司空則以道之量倉吏氏則子約之

呂正學參前修姱節映終古前代令有瑄姓房長史

有吉甫姓李未足數也文獻濡染必有聞而知之者

敬在下風先生曰明士鄉也有越大夫種之英風

其人通達而多能有大里黃公之高標其人恬靜

而自珍董子以孝行著愛親者式其儀刑任奕以

文章進摛藻者襲其芬馨宏雲光修四士尚義挹

其勁操思特立以獨行故虞仲翔以俊異之生為

海嶽之精陸士龍因吏民之謹知禮教之明屯艱

否閉堙曖湛冥宋以文治賢路恢弘丘樊組褐化
爲神纓邑校求師再書延致斯廣川之淵源也順
昌嬰孺以俞爲字斯新息之慈仁也孝通神明凱
風終養斯朱康叔之純誠也引裾強諫辛毗其直
鉤黨掛名范滂自出臨難盡節解揚之匹石交歲
寒之死不渝信義如漢脂習郤賈胡之賻持玉雪
之廉父子如魏胡質之人也編典錄而無媿令譽
焯乎日星下逮里巷則有旌閭之揚掌庫之童若
兔耳宇林之好德菌蕈一時之榮華荃茅萬世之

淑慝彼鍾黃之竊據郡乘幾於曲筆先生言未既
公子起而稱曰鄭圃澤多賢衛多君子魯東海多
卿相汝潁多奇士居使然也蓋語其詳先生曰世
族嬋媯重圭累組位槐調鼎宅揆惟五袞鉞焜燿
乎宗翰衡樞寫奕乎該輔牙纛畫繡差肩踵武紫
艾紛綸常伯亞旅庠聲序音洋洋鄒魯習鄉土齒
長少有序流品別渭涇公卿列韋布俎豆秩秩章
逢楚楚凡周之士亦世吾州之俗近古春秋二高
閱元之說詩禮曹粹鄭鐸之詰殊科首登於蓬萊

倫魁三冠於龍虎名茅膺仕多桂竇桐韓之疊矩
又有文章授訣孝弟彙聚瀟山清篇武子妙句潛
虛有辯杜集有注家自以爲舒向人自以爲揚焉
茲可以言文獻乎公子曰媿則媿矣然世祿非不
朽科舉外有學願識其大者先生曰故國下車喬
木蒼蒼理義雨露名節風霜古之遺直曰豐清敏
排姦詆奄謹論廩廩託與荷花闢者歛衽慶曆師
儒燕及孫曾曰樓宣獻斯文統盟有德有言旣和
且清泗沂絕學闡自關洛朱張呂子緒承先覺

川陸自得於心若異而同爲已功深淳熙四儒
探賸性淵並游三先生之門獨契陸子之心傳處
則講貫以淑艾仕則善教以昌言長庚曉月惟楊
暨袁袁亦有子受業于楊進禮退義家學用光春
木芘兮高山仰止人固亡而書存世未遠而道邇
顏何人哉希之則是若昔魯廬江贊名德先賢沛
三輔序耆舊節士後有作者孰謂知管晏而已公
子肅然改容離席而拜曰廣哉觀乎井甃甕蟻昭
然開明乃知西河俗美以子夏北海風移由康成

文藝抑未歸根六經滌源雖本敬義明誠鄉黨之
化漢學是崇讀書尚友作聖之功闕里近只遵海
而東從羣叟兮問途貫今古兮心同
明張得中形勝賦

甬東故郡。寧波新府。域占維揚。星分牛女。夫差封
越於其間。勾踐徙吳於厥處。嬴秦置鄞縣之名。炎
漢隸會稽之部。唐號明州。宋陞節度。紹興則更爲
慶元。有元則改府爲路。際我皇朝。作興斯土。觀
其俯臨渤澥。高枕羣山。大江帶其東北。太湖環其

西南。蛟門屹立。自天設險。虎踞雄踞。阻海爲關。日
本玩球之列國。高麗闊廣之諸番。揚帆來貢。舉棹
回還。魚鹽輻輳。寶貨滋繁。喜黎氓之富庶。宜田野
之寬閒。若夫丹山赤水之洞天。方丈蓬萊之仙島。
鄮峯凭玉几之高。雲竇瞰金莪之好。松風廿里。天
童瑞應於長庚。寶塔千尋。舍利光騰於晴昊。大梅
登禹廟以爲梁。丹桂入禁林而品藻。它山疊石。又
推諸堰之尊。天井潛龍。屢應甘霖之禱。兩湖涵日
月之華。六縣出東南之表。若乃虹橋壓水。雉堞連

雲樓臺突兀。金碧嶙峋。梵宇傳燈於三佛。鯨門閱
武于千軍。衆樂亭開。見輿情之悅懌。鮎埼亭在。知
海錯之紛紜。由是土地鍾靈。人材英傑。黃公應聘
以安劉。賀監休官而歸越。隱居虞喜。千載幽扁。好
學闕生。一區舊宅。忠於君者孫沔。樓大防。孝於親
者董黯。張無擇。豐稷。論蔡京。而憂國柄之危。陳禾
論董貫。而引御衣之脫。林侍郎獻龜鑑之言。高憲
敏集春秋之說。俞允舒。曹馨服。羗夷。劉侯。姚莘。祛
除虎穴。汪大猷。居翰苑之榮。袁廣微。總天官之列。

鄭清之條十事以前。陳樓迂齋選古文而有訣。八
行史太師之後。一門三相。功業巍巍。大隱楊先生
而下。九老同祠。儒聲赫赫。編玉海之書者。王應麟
著日抄之書者。黃東發。袁伯長。有清容之藁。程端
禮有讀書之法。文獻相承。簪纓不乏。至若寵膺祿
秩。仕宦茲邦。房瑄起慈谿之邑。宰荆公居鄧水之
琴堂。陳了翁著尊堯之文集。曾南豐稱蓋世之詞
章。范成大從容乎郡守。柳耆卿題詠於鹽場。揆古
如斯。于今何似。人材輩出乎俊良。仕宦鼎來其君。

子錢唐爭舍奠之儀傳恕纂有元之史鮑忠持節
神明之號連城陶鑄廉閩天眼之謠盈耳桂彥良
任師傅於王宮單仲友播聲詩於玉陛余唐典郡
德澤猶存孔冷親民芳名不死美濟濟其多賢莫
區區而殫紀嗚呼山川形勝兮固足瑰奇人材兼
美兮信難得之矧在德兮不在險爲之守者在四
夷繫文風兮丕振偉吾道兮增輝民俗還淳於前
古官師迥出於當時幸綉衣之攬轡采閭巷之歌
詩愧鯁生兮淺識敢拜手兮陳辭

風俗

自昔神禹會計足跡於上苗而郡以句甬屬聖人
過化之澤蓋其所從來遠矣既而無餘建服胃衍
神明歷商周之際漸平聲被聲教故其民皆勤於身
儉於家力溝洫奉祭祀有禹之遺風焉逮勾踐屨
興去華即夷事鈎盾驅長鬣敗吳滅吳力爭於上
國而民遂感情赴鬪無復豈弟之風火耕水耨習
漁獵信鬼神好淫祀樂拳勇角觝之戲不恥鬪力
此豈其流乎漢唐以來方輿日闢而吾明介在土

中偃干戈修職貢薄秦晉之習而競美於齊魯君子尚禮庸庶淳龐市鮮穿窬之姦野絕白晝之剽其俗一而不襍其人畏法而易治比之他郡亦其選乎乃若學開任闕世南父子以一門揚其波瀾而家詩戶書遂成文藪姚傅袁方胥以雄詞魁天下自餘諸子或振洪響於纓綏或流勳華於竹帛踵不絕武郡之人文蓋彬彬稱盛矣

國朝蕩掃腥膻播敷休命諄諄導之以儉節循禮而朴茂淳實之遺黎蓋不啻風之偃草也農狎于

野婦勤蠶織商賈鬻魚鹽工供日用絕無四方奇裘之物男子戴平定巾女子堆笄皆衣布素服即高貴厚藏不被綺綉婚冠一從簡朴僅取成禮賓至則擷蔬炊糲以爲餉最其隆敬者乃有鷄豕蟹魚率不過四簋或五六簋或七八簋而已女子不出戶出則男女別於途少者見長者即肅肅長揖屏息道側過之隣里不相侵竊外戶闔而不扃不夜吠捕吏不入於鄉雖王化所薰大都其習然也青衿之士亦皆甘於菲陋不羞膏葛昏旦閉戶

誦讀絕鮮他營後進見先進於學宮則遠遠聽命
呼之則唯而趨諸齋長則子弟視之以爲當然也
比年以來精華日漓而漸競文飾侈聲華揖讓容
止縟儀炳爛交際賓朋物錯腴腆覩其表其裏鮮
有存也其甚者務雕鏤侈崇大競綺縠珠玉薄布
素擯之賓筵珍美至割衣食而婚嫁之具或移業
產之半居喪集平客極體薦肴蒸以爲盡志而導
殯復裝束綺繡行以梨園歌舞參於哭泣遊履富
於擗踊其又甚則入無甌石之儲出衣華繡之服

昔人所譏今乃快之矣少不遜長而輿蓋交於途
親戚相暴隣里相盜強攫弱肉而啖之又攻告訐
以廷官府往往園棘坐善良而奉牯不施於豪暴
欲民之無僻得乎乃其士人亦有罷誦讀而甘佚
遊恥惡衣而不恥枵腹至侮先生長者以爲無聞
知回視昔日之質行何如哉五邑風俗大抵皆同
別而言之則鄞之風散緩其俗迂闊而善妬廢興
禍福不相爲也慈之風矯厲其俗尚文而善黨奉
之風鷙健其俗負氣而矜高定之風脆弱其俗習

勞而寡營象之風朴其俗好競而服義要之中國
文物之區 聖明禮樂之化箕範豳風存者猶什
之六七未可以時變少之也鄞事槩詳於郡自餘
四邑有不能一者復爲之附見如右

慈谿

慈谿自唐房琯建縣取漢董黯孝養之蹟爲名蓋
立教以孝云嗣後張無擇孫之翰繼之稱三孝鄉
民益敦倫而尚行前宋治平中得杜醇爲學者師
青衿之士皆知興起道義建炎南渡衣冠士族覽

山川之秀多卜居焉科文始盛至人名族率稱涉
宋遺宗慶元以來慈湖楊簡得象山之學以訓迪
後人而文潔黃震獨宗朱子雖門戶不同而淵源
有自皆知尚廉恥而畏清議名卿先達忘其貴勢
與里黨相齒讓絕無侵漁暴橫之習君子小人各
安其所然土薄民稠貨出無贏而商賈鮮少儒業
雖隆游惰襍糅富籍不過千畝僮養不能過十人
成化弘治以前率尚約素雖風氣則然亦物力有
所制也邇來生養蕃庶本業不增而習尚侈靡士

庶效尤於宦族簞門攀附於華宗嫁女或至於破
家治喪不難於鬻產乃其俗多溺女停殯有由然
矣至嘉靖乙卯夷寇深入荐罹焚劫蕩然無餘繼
之築城又繼之兵費諸汎濫科率數倍於正供民
生僅脫於煨燼創痍者繭然如譙尾之雛婚喪宴
祀一切簡率居室僅編籬落困蹙無聊苟求生活
是又獨苦於他邑者使官司躬行節約縉紳惇朴
以倡齊民則多難興邦茲又其會乎

奉化

奉爲古越地其民受性剛直而樂於承奉王化故
開元建縣以奉化名地不夷衍兼藝山坡海鹵以
食而民常勞水不瀦停外方境內之物不得轉貿
而民常嗇嗇則不給於華靡勞則不遑於淫佚故
其俗敦朴務實憚於非僻而道之以禮義則易從
由五代宋元以迄于國朝咸稱爲詩書禮義之
區男女厚別長幼遵序宗盟有恩比黨篤誼輕勢
利而厭芬華爲農則勤田畝黃髮嬉遊于閭巷國
賦易徵王法罕麗貴家右族崇尚儒學而編氓之

下伏者亦效而趨之雖不擬於可封之俗亦庶幾
哉古之遺乎其後乃有矜負尚氣往往以小忿而
興大訟即蕩產不顧亦有趨時所尚徇奢僭而拂
禮經談者慨焉乃者兵變相仍官司又殘以峻法
亦稍稍戢約矣

定濱大海居斥鹵之中其土瘠而無灌溉之源故
畊者無終歲之給然瘠土之民奮而能勤勞而能
思故其俗甘勤苦務織作溫暾微愛有無荒之風

焉然利近東海民資漁罟出沒衣食之源過於農
耕遂多重彼輕此野有蕪土而人便風濤又其鹽
之所煮與象相峙雖燠雜多憂亦庶幾免於艱食
乎自沈端獻倡道於宋詩書益衍明興張信首魁
天下文學輩出彬彬髦士擬跡鄒魯矣然其地薄
故室無再世之富其民貧故鄉鮮綺麗之競其性
弱故權科易集而甘安於無聰其習浮故民易動
以訛而不可質的其時變所趨亦有捐生觸禁以
謀不貲之利驪枝葉之詞興無根之訟昔人謂巖

谷所居有老死不識城郭者竟安在哉昔人謂

象山

象山重巒雄峙大海周環民多剛勁而質朴利漁鹽務稼穡樂於家居而憚於遠出去家百里輒有難色語京師則縮縮喪氣其常也有宋南渡臨安帝都者儒名德乘時自奮於是彬彬多賢才文學之士矣其俗質而民易治事簡而賦易供官遊者謂之海東道院非虛語也黔白守畝暇嬉遊不出閭巷士習惇切無有欺傲鄉薦紳與親故結者

相往來不屑為尊貴態服食菲朴薄綺縠珍異不御婚娶論良賤而不論貧富吉凶皆稱其家識者尚之弘治以降乃稍稍變矣民或好爭訟即破家亡身不顧村落之民習官府而耕鑿者競為屠沽奢侈佚遊欺詒陵厲舊風為之一衰矣兼以土狹民稠無雄貲厚蓄隔海阻山而泉貨難通比來海寇頻擾歲復多侵而官調私誅追呼督責民不聊生率詭法以逃譴而幻罔日衆俗斯愈下矣

歲時節物附五縣皆同

元日先夕汛掃室堂及庭五鼓而興設香燭男女
禮服拜上下神祇陳果餌酒饌以祀其先序拜尊
長男子則出拜宗族親戚隣里謂之賀歲家各具
酒食以相延款

立春日府縣先日以綵仗迎春至日祭芒神試耕
種各家作春盤春餅飲春酒

正月上旬之夜女子邀天仙或厠姑問吉凶

元宵自十三日夜四街各設竹棚綵障懸燈其上
祠廟皆盛張燈遊觀達曙或以火藥爲射柳之戲

至十八日乃止

里社祈年元宵各坊鄉之民輪年爲會首集眾祀
里祠設醮誦經祈福境內名雨水會

清明各家爲青糍黑飯牲醴祭墓封土插竹掛紙
錢于顛門壁皆插柳或簪于首

立夏炊五色米爲立夏飯

四月八日浮屠浴佛

端午取菖蒲及艾插門戶或繫以綵勝佩於身爲
衣香置之篋笥襟菖蒲雄黃和酒飲之以辟邪穢

毒爲角黍駱駝蹄糕祀其先親戚各相饋遺

七夕婦女陳瓜果乞巧

三伏寺廟皆設醮婦女走禮神佛

中元各家以牲醴羹飯祀其先緇黃之流誦經供

佛謂之蘭盆會

中秋士人家置酒酣燕翫月爲樂每至夜分乃止

以月餅相饋

八月各鄉祠廟爲會祀神以龍舟競渡謂之報賽

與各處端午競渡不同

重陽士人登高燕賞以茱萸泛酒飲之各家製牡

丹糕方粽親戚轉相饋遺

九月在城各坊各輿祠廟神像游行街市導以兵

仗綵亭金鼓樓劇久相競賽觀者塞路謂之社夥

冬至各家具香燭以禮神祇及先祖惟仕宦之家

有具牲醴以祀其先者

臘月二十四日各家拂塵其夜祀竈

歲除前數日各以牲羞果餌饋送親友謂之饋歲

除夕各具牲醴祀神謂之送歲以酒饌祀其先既

而召親隣或聚家人而食飲之謂之分歲明燭燒香或熾炭燔柴長幼坐以待旦謂之守歲先期預備品物為新歲之用罷市數日蒸米為糲新歲復炊而飯之換桃符寫春帖易門神謂之從新燒生盤爆竹燔蒼木辟瘟丹謂之辟邪

寧波府志卷四終

寧波府志卷五

志二

南京兵部尚書郡人張時徹纂修
寧波府知府蜀威遠周希哲訂正

山川

府

山

四明山

府西南百五十里為郡之鎮山由天台山發脉向東北一百三十里湧為二百八十

峯中有三十六峯周圍八百餘里綿亘本府之奉化慈谿鄞縣紹興之餘姚上虞嵊縣台州之寧海諸境上有方石四面如牕中通日月星宿之光故曰四明山東七十峯狀如驚浪境接句章郭璞言

後五百年當立州治至開元置明州適符其言山
 西連脊起峯狀如奔牛曰奔牛山中有三朵峯鼎
 足以立漢張平子居焉中有石室西南有五朵峯
 狀如芙蓉峯相望各去六里中為四明山心五朵
 峯東一峯高六里周十里峯南一巖高一丈深七
 尺中有石穴通泉流于黎洲穴生甘草又多古杉
 栢瑞雲西一峯高四里南有石室下有石枰相傳
 劉阮居之南一峯高三里有石壁壁出數穴生石
 乳北一峯高四里峯頂有天井雲氣吐吞山四面
 各生一樹東生梓西生松南生栢北生檉及黃楊
 其山頂極平正山南聳七十峯狀如驅羊其峯蹲
 者曰蹲羊水源十丈有神蛇居之吐靈氣如樓閣
 可禱雨山足一澗南出一百二十里水歸鄞江溪
 上一山宋有捕魚者入或云應則也則初入山甚
 秀麗既而暝晦號曰大晦山東一峯下有龍窟逸
 士陶源探望如樓閣號曰小晦山南八峯如醫囊
 號八囊山山北有兩陣山如走蛇梅福隱越嘗遊
 焉謝靈運山居賦天台桐栢方石太平二非四

三與三菁三菁太平之北諸山神仙所居由鄞
 溪而上為東四明山餘姚而上為西四明山奉化
 雪竇而入則謂之四明山蓋山其支山有杖錫
 勢蜿蜒與連屬與三境相犬牙也
 七峯上有四明山心四漢封石樓松巖雷峯
 字唐僧紀飛錫至此故名

大雷 即謝遺塵所隱之 **鷄籠** **烽火樓** **峒山** 內
 南雷詳第宅志

四洞或云 **鰲山** **西山** 元進士戴表元四明山中
 即四總

水青山只故宮欲問巖前老松樹人間禁得幾秋
 風 國朝知府張璠詩曰七十峯巒起碧空巋然

石頂四牕通光分日月玲瓏處氣叶烟雲遠近中
 西控稽山低莽蒼東臨蓬海接鴻濛自從劉阮遊

仙後溪上桃 **府山** 郡守胡桀取五方土積之成山
 花幾度紅

以鎮 **嶺** **嶺** **嶺** 府治南一里許高五尺下有石脉
 治城

李夷 庚守部精地理之學
以土增高數丈歲久漸平
廬于上逼近寶雲
寺或云寺以此名

川

大海 環府境東際鄞之嶂崎湖頭蔡家整東北際
定海之招寶山後海塘西其際蔡家整東北際
龍山東南際象山之爵溪東門奉化之鮑琦裏港
海潮自定海入鄞江六十里至府城東北分為二
江西北通慈谿東南通奉化潮海往來各有候其
在鄞初一十六日子未午未平初二十七口丑初
未初平初三十八日子未午未平初二十九日丑
未未未平初五二十日寅初申初平初六二十一
日寅正未正平初七二十一日卯初酉初平初八
二十二日卯正酉正平初九二十二日卯初酉初平初八
平初十二二十五日辰初戌初平十三二十六日辰
正戌正平十二二十七口辰未戌未平十三二十六日辰

八日巳初亥初平十四二十九日巳正亥正平
五十三日巳未亥未平定象以次而早慈奉以次
而舊海多颶風南越志云颶風者具四方之風
也常以五六月發未至時鷄犬為之不鳴嶺表錄
云秋夏間有暈如虹者謂之颶毋必有颶風小坡
蘇過叔黨賦云斷窈飲海而北指赤雲夾日而南
翔此颶之漸也發則掛戶破牖摧瓦擗屋礮擊巨
石揉拔喬木勢翻濤澎湃振坤輻數千尺之清瀾
值之則開境絕穗俗之所當備也其海之大洋中
有鳥石嶼三一在馬秦嶼一在下塘頭干步砂一
在桃花嶼百年之間或卷砂以為堤或推石以為
塘中成膏腴不以人力然則海變桑田非虛言也
又去馬秦嶼東名查浦夏侯曾先地志云吳伐越
次查浦深入至此宜勾踐之不能忘也其在翁浦
中又有鼓吹山其陰曰戰洋曰馬嶼其對即堰王
祠也世傳孫恩之窟亦在此按恩自其叔泰以皇
誅即窟海島史雖不指島名以地考之隆安四年

夏四月寇決口入餘姚五年二月丙子又自決口
攻勾章及海鹽之敗自決口復窟于海決口
蓋今定海昌國之間虎踞蛟門之側也跡其出沒
皆由於於是則其窠穴容有在此者今之遺址為偃
王為恩未可知也宋天聖間刺史燕肅著海潮論
其畧曰或問海潮平來皆有漸唯浙江濤至則
亘如山岳奮如雷電水岸橫飛雪崖傍射澎騰奔
激吁可畏也其奮怒之理可得聞乎曰或云夾岸
有山南曰龕北曰栢二山相對謂之海門岸狹勢
逼湧而為濤耳若言狹逼則東溟自定海吞餘姚
奉化二江作之浙江甚狹彼逼潮來不聞濤有聲也
今觀浙江之口起自纂風亭北望嘉興大山水潤
二百餘里然以下有沙潭南北橫亘隔得洪波故
潮來已半濁浪擁滯後水益來溢于沙潭怒湧勢
激起而為濤非江也

河

黃河府治西北百步四周學
宮東塞西北為葉姓廬于

池

黃池學宮西並河為邵姓廬于
焚芟于中亦宜治復府

憲徽洽復未竟

鄧山堂前後各清瀾池在奉國樓之南
一今故址猶存宋錢恭惠王浚之為火備
後郡守李夷庚又浚泉梁公泉府治內正心堂後
之以其土益鎮明嶺泉梁公泉方池之側宋紹興
十二年守梁汝嘉建亭昌黎泉府治南二里南倉
干上故名今亭廢井存韓仲通建亭渠顏公渠自鄞
韓仲通建亭渠顏公渠自鄞桃花渡而東迄定海
其上故名湮農旅病之宋淳祐六年制帥顏頤仲役工浚之
越三旬而故河盡復廣五丈深丈二尺鄞令趙希
直定海令劉仲襄慈谿令季鏞各因所隸董其役
郡倅張琥總之民頌其德因刻石曰顏公渠歲久
淤塞國朝嘉靖十五年湖漁湖在四明山中相
年鄞定二縣大浚治之

鄞

山

附嶺巖巖巖嶼峯洞坑壑

龍山 縣東三十里與定海陳山界狀如游龍故鹿

山 縣東三十里相傳鮑即嘗見鹿射之就視之乃

語則陽堂山 鹿山之南俗名青山四賀山 縣東三

不動 陽堂山 面懸絕下有鮑郎墓祠賀山 十里按

十道四蕃志云海人持貨貿易于此故名初縣在

賀山之陰乃加邑為鄒俗傳鄒邑在鹿山者非

橫壘山 即橫山賀山 省壙山 橫山東三里許邑鄒

同谷山 省壙山之東以東西兩壘同一谷口故名

大涵居其前靈峯居其後內有三嶺一石城落通

定海深壘一魚山通定海大磯頭一長山通小浹

港先時山麓與海相際海中百貨入此貿易故谷

口舊名後塘街此為鄒縣故城無疑又有都巡檢

司今為青山行祠俗名寶幢大廟西去半里許曰

下庄宋有酒坊司至今土人掘地嘗得甕甓之

阿育王山 同谷山之東昔阿育王見靈建寺其下

有極目亭望海中如丘垤 國朝知府孝感張

贖詩曰萬松夾道隱鳴鐘聖人承恩紫翠重古陌

行詢馴野雉禪堂延話起潭龍雲霞長護金沙井

從容成都高第詩曰玉几山前列畫屏金沙泉上

飯青精野鷗渡水客愁破空露濕衣秋思清漫采

瑤花悲落日間觀貝葉嘆浮生故園巖壑知誰主

古今此風烟欲訪洪崖跡思餐玉屑泉知縣辰州

胡鰲詩曰名山開玉几舍利擁瑤臺古木天邊起

溪光谷口開烟霞任出沒樓閣獨崔嵬夜靜收餘

雨鶴鳴何處來郡人張邦奇詩曰記得當年黃鶴

樓上浮王事豐道生詩曰罷却觀燈出郭來東風

一舸上蓮臺滿樓春雪天花舞度嶺殘陽寶地開

樓葉垂壇搖鶴翅梅枝傍席藝龍煤遠公正入東
 林旋何日寒江一渡杯張時徹詩曰本是烟霞客
 青山夙有綠松筠隨處好猿鶴與人便拂袖雲中
 語聽泉石上眠逍遙堪避世色相為誰傳其二蘭
 若依山復朝霞起樹顛但從樵徑引直到斗牛邊
 瀑布垂青壁藤蘿掛紫烟相將憑玉几洗藥問靈
 泉又極日亭詩曰曲徑緣青草孤亭古碧空望窮
 三島外身在九霄中霞起群峯亂波翻夕照紅翻
 然振衣袂直玉几山阿育王山之前白雲山玉几
 欲駕長風玉几山橫陳如几故名白雲山山之
 南宋建寶慶顯忠寺以東石山縣東三十二里一
 賜趙希言廢址尚存
 勝西大涵山縣東三十五里瀕水而秀天霽
 山石大涵山風晴則水光山色上下相映聖姑
 山大涵山西亭山縣東三十里層巒聳秀下瞰深
 東五里西亭山淵人擬赤壁之勝並山而居者
 多錢高二姓青山西亭山南二里許峯巒疊白石
 又名高錢山翠春時臘紅粉白如圖畫白石

符箕山
 今呼為盧家大野路
 山下有元墓庵野路
 縣東五十五里太白之勝
 勝如廬居焉土人至
 鬼谷先
 生祠
 大白山
 縣東六十里視諸山為最高其巔
 日晴霄澄澈如鏡或風振林木葉落無墮池中者
 旱禱雨隨至山以大白星得名或曰近有小白嶺
 故此為大白也宋舒亶詩曰何年杖錫此徘徊天
 上真官為我來芝園鶴歸香火冷石基空鎖舊花

臺天童山
 縣東六十五里晉永康中僧義興結廬
 太白星上帝遺侍左右言訖不見太白天童之名
 昉此前有玲瓏石巖支徑透其絕頂景象絕嘉未
 王安石詩曰溪水清漣老樹蒼行穿溪樹踏春陽
 溪深樹密無人處惟有幽花渡水香

國朝知府
 六頁十

三山 鄞縣 和曰碧山 雲盡樹蒼蒼 十里松陰半夕
陽行到石巖清絕處 曇花芝草暖生香 孝感感張贊
詩曰春日遲遲步暖沙 却慚漢使遠乘槎 王珂聲
引巢松鶴鐵鉢香來伏 澗蛇白石玲瓏生 蘇暈紺
園芬郁長茶芽 當年童子多神異 薪水曾供老酌
家郡人張時微 詩曰徑轉諸天近 淵深眾壑歸 山
峯長碍日松霧 細沾衣展席 依青草題詩對落暉
却憐雙白鹿 時自款巖扉 其二 石壁凌雲出 祗林
傍日開 入門聞梵語 說法有靈臺 樓倚千峯云 天
空獨鶴來 高僧知愛客 顏進紫雲盃 邑人盧鎮詩
曰高世原非志 名山獨有緣 為探諸法界 來上萬
松巔 巖瀑晴飛雪 林明夕起烟 便應尋惠遠 結社
共長年 大慈山 縣東六十里 東錢湖中有大慈寺 史
溪橋芳草深 碧池涵日月 斷碣倚山空 架石歌佛
成屋穿雲宵 作林黃精隨處好 早晚合抽簪 寶
隴山 南二里 阮山 大慈山 東南上 廣福院 朱長山 寶

龜山 珠山 俱縣東南 象坎山 縣東南五十里 福
泉山 東錢湖之東南 去城六十里 安石嶺山 縣東

十五里有王 二靈山 縣東南五十里 東錢湖
安石祠 因名 靈山 縣東南四十五里 東錢湖中 四面環水 上有霞

嶼寺 寺有望湖亭 張時微詩曰烟霞採不極 道
上望湖亭 孤嶼懸明鏡 群峯轉畫屏 舳舻浮月波

月白松檜匝 雲青盡日山中 醉人言是謫星 月波
東錢湖西北 與霞嶼相峙 上有寺 張時微詩曰

何處探仙窟 青溪有化城 雲從山闕出 月自鏡
中明 倦與鷗同卧 閑隨鹿共行 梨花山 縣東南四十

行相看 惟惠遠 長坐說無生 梨花山 縣東南四十
花盛開 為東湖之勝 築土有史丞相 讀書臺 邑人

盧鎮詩曰湖上佳山水 况逢春日來 梨花飛白雲
鳧鳥點蒼苔 曲徑穿雲上 芳罇待百步尖山 山之

月開徘徊 問遺事 惟有讀書臺

百步尖山 山之

最高闕水山 俱縣東南四十五里 隱學山 縣東南四十五里

生池舊名棲真周徐偃王隱學於此徐本原詩曰

周穆日盤遊九鼎幾欲移造父御八駿萬里錫璫

池邦家嘆無主神器將安歸諸侯悉朝徐瑞應維

其時忽聞黃竹歌拒戰非所宜避位向吳越直至

東海涯德義感人心臣庶爭相隨山以隱學名上

有棲真祠翁仲翳草萊再拜空噓嘻遯鶴竟不返

相貽零落千載下惻然起遐思 擇陽山之西南

陶公山 縣東南四十五里東錢湖中山下多朱姓

焉宋寶慶三年守胡築嘗建烟波館天鏡亭上

今廢 國朝隱士洪性詩曰霸越平泉此息機

衣終日坐漁磯一竿風月高名在千古江山舊事

非春雨荒臺蒼蘚合夕陽古戍釣船歸探奇欲試

登臨興流水 茂嶼山 縣東南四十五里

無情白鷺飛 有張氏世居焉 金櫃山 縣東南

十黃山 縣東南四十五里 五峯山 縣東南四十五里

王應鵬詩曰一別茲山久重來鬢已絲雨苗分舊

藥風籜露新枝西嶺雲歸暝東峯月上遲曼公向

何處惆悵 東山 縣東南六十三里 大梅山 縣東南六

獨移時 梅子真舊隱也按福本傳王莽顯政福一朝棄妻

子去後有見福於會稽郵故屬會稽山中有石洞

仙井藥爐丹 金峨山 縣南七十里高出眾山為府

竈遺跡猶存 城之遠案宋舒直詩曰叱咤

滄溟雪浪空鯨鯢騎去杳無蹤煉丹井上春蕭索

知在蓬萊第幾重張時徹詩曰結伴作春遊郊原

已麥秋峯巒經處好烟火望中悠雨洗高低樹禽

喧上下樓得逢開士咲即是虎溪頭其二何年成

浩劫名勝志神州門啓雲初散僧閒夢亦幽青山

開又合碧澗斷仍流石室如相借常將一榻留

赤董山 鄞城山下去縣東五十里古鄞城在其下

故名舊志載赤董山在鄞縣四十里山有草曰赤董
董鄞縣以此為名而加邑焉會稽記云歐治造劔
于此山云澗若耶而探銅破赤董而取錫今考鄞
境內無此山本以山名縣則鄞城山即赤董山也
而鄞之立縣時在金峩山下故曰縣東四十里舊
志誤以今鄞為古鄞故載之於鄞縣至國朝成
化志仍其誤而猶曰縣東四十里蓋不知今鄞之
東相去四十里之山正古所謂賀山而賀縣之名
本此是又安得以名它所之縣哉則赤董山當
從寶慶志而入奉化無疑奉化固古鄞地也
文山 縣南七十里舊厲山 縣南五十里山頂以石
擊之作聲聲如雷而
居者多吳姓 姜山 縣南四十里平原崛起有石洞
故稱厲山吳 姜山 三其一最大曰後巖中可坐數
十人洞後又有一小洞上有 茄山 縣南五十里與
小穴形圓如月仰可窺天 姜山 對峙上有
一葑以竿探 塔嶺山 縣南四十里蒼翠峭立
之其深無底 塔嶺山 四面環列二十三峯

縣南五十里即唐善政侯王元暉為暇之地水南
沿流皆山至是始有一山在水北因兩山相對
得以成以其無山相接故謂它山唐亮閣梨詩曰
截斷寒流壘石基海潮從此作回期青山自在行
人老澗澗水 錫山 縣西南五十里葱蒨插天泉源
聲無絕時 錫山 甘紫脉絡或起或伏隆隆隱隱
結於郡治盤延至樾源爾東諸境寔 建界山 一十
一郡龍脉之祖嘗產錫故名錫山 建界山 一十
五峯狀如列戟鬱然深秀下有寶嚴寺 國朝尚
書張邦奇詩曰廿年幽勝廢追尋此日重來徑草
深茗枕香爐書寂寂松陰竹戶天陰陰緇塵不上
遠公榻白鶴長栖支遁林杯度夕陽還入定坐看
京月墮江心張時微詩曰十里蘭橈蕩碧沙海天
晴樹思無涯石橋水漫青霑草林薄風生晝落花
樓近翠屏懸日月庭開修竹引烟霞山中麋鹿真
吾伴自喜無心戀白麻其二芙蓉當戶碧千尋絕
壑雲烟雨後深接竹細通松澗水解衣長傍石床
陰青蘿礙日線平障白鹿食霞卧短林薇蕨山中

時正好極遲應得遠塵心重遊詩曰招提偏占碧
山阿細雨斜陽喜再過谷口雲封行處斷庭前花
落坐來多山厨巧接松溪水石屋新添燕子窠好
借烟霞學真隱高眠長唱紫芝歌又遊巖庵詩曰
山人笑我雨還遊雨裡看山山更幽密樹叢中青
澗出虛巖洞口白雲稠僧因好客來偏慣鳥為留
春轉未休石徑蒼苔塵不到人間即此是丹丘
甌篋山 董家山 吳山

廟山

俱縣西南五十里

石白山

山坡有石圓而薄闊可二丈中有穴似白世傳

葛仙翁煉丹之所旁有二足跡謂為仙跡山下溪
潭深迥杳不知其底有魚如舟見必作陰雨或見
龍首枕於山麓其支徑可通仙隱山 鳳山 芝
宋魏文節公杞作碧溪庵於其上

山產芝俱縣西南五十五里

木阜山

環列二十四峯奇聳如木芙蓉又名木坑呂氏世居

馬 清秀山

上有三十六峯清奇秀麗

銀山

昔嘗產銀今廢俱隱

仙山

縣西南五十三里與后白山相連

天井山

縣西南七十里神龍所居有五井舊

志誤云三井一巖突然而去者下嵌百仞之淵地
僅容側足緣蘿可行如此者數十步至下井之旁
石皆光潔如龍物常行久而熟之之狀又行三里
至中井又三里則上井愈入愈險餘二井益險絕
人跡罕到早曠祈禱得金線蜥蜴或蛇蟹之類自
下山望之奕奕有光雨輒應每欲雨則雲先興于

此山其下 灌頂山

縣西南七十里其山直上二十里方至頂有普淨禪院歲納學

租宋有採鐵于此者後乃禁之按寶慶志府學教
授方萬里劄子云竊惟鄞諸山天造地設峻秀

拱揖如伏萬峯而四明一山峯巒峭拔延袤宏廣
仙地石窓尤為勝絕故孫綽陸龜蒙諸公疊見賦

詠至今郡以為稱則是一郡之望山又非其他諸
山比也國朝自天禧二年撥隸府學養士其來久

矣係灌頂山普淨寺租佃歲入錢三百貫灌頂即
四明之子山也嘉定十七年冬忽有豪民唐執中

者以四明山有鐵鑛發見密於主管司冒佃鼓鑄
焚毀林木掘鑿坑塹不惟一方騷動而破壞風水
關係非輕亟具公文申主管司以為此山自隸本
學已全一百餘年其間豈無鐵鑛發見之時然前此
未嘗掘鑿以求鼓鑄之利者必有謂也昔胡文恭
公宿在慶曆間以蓬萊諸山居京師東隅疏乞取
金其中以致地震請禁民鑿山以寧地道况今行
都去四明無五百里而會稽山陵無三百里千巖
萬壑氣脉相接豈容以鄰郡望山縱令豪民焚毀
林木掘鑿鼓鑄臣子之義竊有未安至於孕靈育
秀鍾為一郡人物則當今名公鉅卿大儒碩望布
滿中外不應規此小利毀壞風水况在常平法諸
坑冶興發而在寺觀祠廟公宇民居墳地及近墳
園林者不許人告官司亦不得受理今山既隸府
學普淨寺又已管佃而一郡士大夫墳墓之在其
上者不知其幾豈不違背法意繼蒙主管司即時
禁止方幸平息書判見在今歲正月間復有丁思
忠者隱下唐執中元斷事節徑就坑冶司陳狀

下告示本學刻佃普淨寺所管四明山即欲掘
鼓鑄蓋此山在本學初無利害不過歲得錢三百
緡縱為鼓鑄亦不失此萬里蕞爾冷官竊慮卿校
亦不過三載何敢固執不可以拒泉司之命實以
丁思忠冒佃此山歲認鐵鑛五千其直不滿二百
然在泉司十路坑冶之權初不欠此而一郡望山
輕於毀鑿委有關係却恐今日黽勉徇從異時監
郡歸咎必曰使豪民鑿四明山自萬里始職守所
迄不敢自默除已力陳利害具申泉司外竊恐豪
民規畷未已儻蒙軫念哀鄉望山所在乞賜劄下
慶元府主管司以憑遵守不許人冒佃鼓鑄仍將
唐執中丁思忠畧加懲治以為後來豪民違法規
利之戒時名其言永為禁例自此仍撥隸府學養
士歲入錢三百緡延祐七年山民陳永等增租鈔
一十五錠後寺僧分佃塘壘山縣西南雪頭山
一牛遂復通佃今廢塘壘山縣西南雪頭山
南入十里上有龍湫名胡家松嶺山縣西七十里
聖井旱曠雲氣騰靄即雨

鯨魚山縣西七十里西石山縣西六十里石內有冷水潭產蜜巖山

縣西六十里陸舉山縣西五十里翠巖山縣西五十里有秦王石版

子箭洞葛仙翁以蔣山縣西四里武陵山舊傳劉阮

至今樾花萬樹春壁立千仞其中石室虛聖公山明相傳朱彥誠嘗遇仙

於聖女山華家山前鳳山後鳳山管公

山俱縣西四十里白鶴山縣西四十里與望春山對峙為邑之西小阜前舉山

縣西四十六里群楊舉山縣西三十五里蔡家

山縣西三十五里三望春山縣西三十里與白鶴

山縣西三十里東連鳳舉岐山縣西三十里

鳥集此又名旗山以董舉山縣西三十二里石塘山縣西

張循王陳兵于上董舉山十二里石塘山縣西

里嶺石城嶺縣東四十里即育王嶺縣東四十五里小白

嶺上有饅頭石穆公嶺俱縣東五十里打酒嶺嶧崎嶺俱縣東六

里大嵩嶺縣東七十里禪寂嶺縣東南二十里隱學嶺縣東南四十五里

里五峯嶺縣東南五十里石羊嶺縣東南四十五里韓嶺縣東南五十五里

里過東南張齊嶺去韓嶺慈雲嶺縣東南六十五里

菩提嶺縣東南七十里塔嶺縣南四十里黃官嶺縣南五十五里

亭溪嶺縣南六十里徐盛嶺縣南八十里陳諸嶺縣西南四十五里

大舉嶺丁舉嶺俱縣西南五十里清秀嶺甘嶺俱縣西南

六十馬嶺石上有松行嶺俱縣西南
躑躅嶺縣西

百十里國朝參政王樾詩曰秋日澹平蕪登攀
興不孤翻疑盤谷道還是朝川圖嵐氣諸峯合溪

容乘壑殊何人乘五嶺縣西三
稠嶺縣西三十五

兩縣之界國朝嘉靖間海道副使李文進命於
此設寨至三十八年三月內倭奴果從此入林村

潘舉嶺縣西四
西舉嶺
藤嶺俱縣西四
大皎嶺

縣西七
巖玲瓏巖在天童
響巖縣西南五十五里

水北作聲則巖中谷之故曰響巖唐賀知章嘗隱
於此名世影巖天寒有鷓鴣群集又名鷓鴣巖

北巖縣南五十里巖中可容百人暑
假巖縣東南

上水之東北宋史相浩甃石
亮橋巖縣東南四十

百餘丈層巒疊障宛若天成

布泉巖縣西南七十里舊
禪巖縣西南八十里

滄舉縣東五十五里
綠野舉縣東四

十五郭童舉縣東南
鳳舉即前後
同舉即同

縣東四十里山圍如羅網
嶼金家嶼縣東南
霞嶼

深二里中有阮氏書院
嶼金家嶼六十里

見墓嶼縣東南三
峯斷劍峯
雷峯俱縣西三

峯在龍
洞水簾洞縣東五十五里
觀音洞在霞嶼

普巖官洞縣東南三十五
坑木坑在木阜
乾坑縣

南七十里
墩江北墩縣北三里
桃花渡北其地

任氏居焉
墩江北墩縣北三里
桃花渡北其地

半入于江蓋望氣者故破壞
蔡家墩縣東南九十

之阻壓王氣使不成百也

石饅頭石 在小白嶺事詳 棋盤石 在菩馬嘴石 縣

五十里 響石 在太白山宋舒直有聞說幾回 柴樹 風雨夜四山應作老龍吟之句 其

江鄞江 在縣東北二里即甬江也南接奉化江西

於蕙江 縣南六十里水出大晦山踰江口會於句

湖日湖 縣治東南一里許一名細湖昔有

前後有橋舊志以為小江湖非也其源與月湖俱

出四明山一自宅山堰經仲夏堰入南門一自大

雷山經林村十字港匯望春橋入西門諸為三湖

月湖 縣治西南縱三百五十丈衡四丈闊七

洲島嶼凡十日柳汀曰雪汀曰芳草洲曰芙蓉洲

曰菊花洲日月島曰松島曰花嶼曰烟嶼曰竹

亭閣臺榭上下相映士民遊賞者盛於春夏飛

成陰畫船漾影湖之支派環繞城市家映修渠人

酌清泚今因大家變置昔之洲島不復盡見城之

東北隅舊有食喉氣喉水喉三磑以泄潦水于江

久而湮塞今南北分泄行春保豐二磑宋王應麟

辯小江湖說曰唐志鄞縣南二里有小江湖漑田

八百頃開元中令王元暉置民立祠祀之按九

志即宅山堰也今有善政侯王長官祠郡志乃謂

川

南豐謂興于齊梁之際今考陸雲書鄞西有大湖

縣東有西湖西有廣德湖可見西湖之為錢湖矣

郡誌以西湖為今城中之西湖亦誤若廣德湖則

南豐謂興于齊梁之際今考陸雲書鄞西有大湖

又云東二十五里有西湖漑田五百頃天寶二年

令陸南金開廣之蓋今之錢湖也南豐記云鄞東

鄉之田錢湖漑之西鄉之田廣德湖注之唐志鄞

縣東有西湖西有廣德湖可見西湖之為錢湖矣

郡誌以西湖為今城中之西湖亦誤若廣德湖則

南豐謂興于齊梁之際今考陸雲書鄞西有大湖

又云東二十五里有西湖漑田五百頃天寶二年

令陸南金開廣之蓋今之錢湖也南豐記云鄞東

鄉之田錢湖漑之西鄉之田廣德湖注之唐志鄞

縣東有西湖西有廣德湖可見西湖之為錢湖矣

郡誌以西湖為今城中之西湖亦誤若廣德湖則

南豐謂興于齊梁之際今考陸雲書鄞西有大湖

又云東二十五里有西湖漑田五百頃天寶二年

廣縱千頃晉已有湖矣舊名鑿脰湖元和志所載
里數在州城未遷之前唐志因之長慶始徙今城
郡志乃以城之遠近牽合唐志之里數宜其謬也
舒亶撰引水記曰按州圖經鄞縣南二里有小湖
唐貞觀中令王君照所修也蓋今俗里所謂細湖
頭者乃其故處湖廢久矣獨西阡尚存今所謂西
湖是矣明為州瀕海枕江水難蓄而善池歲小旱
則池井皆竭而是湖所以南引它山之水為旱備
也熙寧乙卯歲大旱湖輒涸建中靖國改元自夏
至秋不雨湖盡涸民渴甚至穴窪下瀝穢滓以飲
而國家將有事于郊丘上供之舟復膠不得進上
下狼顧不知所為于是州以其事屬監船場宣德
郎唐君意君即由南門道河土凡八十五里抵所
謂它山堰者躊躇相視遂盡得其利病蓋它山者
四明之眾山萃焉一作雨則澗壑交會出為曼流
即歲小旱溪流未遂絕也特河勢冲窪滯提支渠
醜泄以去故水不得行蓋非盡縣手天時也乃曼
民盡堙諸渠口而稍浚上源固其莫此室補堰隙

復累石于上以過入江之羨流於是稍引以比
距城十數里河赤地裂深尺餘衆謂非淹旬積雨
水卒不可行君念善政王侯實始作堰以茲水賜
其邦人廟貌固在即為民改禱焉一息而水輒薄
城下不數日湖流清洌可命而舟不復留碍耆
穉驩呼里巷相屬一方遂以無虞夫宣德君身任
筦庫之責而能用意勤民之事工侯既施勞於人
而沒猶烟烟如此與夫世之任人責而不思憂視
民災而莫之救者顧可同日而語哉元表楠斷曰
參考王舒二言復以舊志小江湖在縣南溉田入
百餘頃蓋即縣令王元暉所濬九域志言它山堰
元暉建今有祠在堰側南門水由它山入用引水
記法為之猶可復舊今惠光院舊號小江塔院正
在西南則小江湖乃其近地旁有千丈鏡支港尤
多以是得名而城中小江湖也德湖縣西十二
靈橋之小江里非小江湖也
元湖唐大曆八年縣令儲仙舟修治之更今名貞
元元年刺史任嗣增浚灌漑益博守曾輩作記其

畧曰湖大五十里在鄞西十二里其源出於四明引其北為漕渠泄其東北入江凡鄞之鄉十有四其東十鄉之田錢湖溉之其西七鄉之田則此湖溉之舟通越者皆由此湖而湖之產有鳧鴈魚鱉芟蒲葭菘葵蓴蓮芡之饒舊名鰲脰湖今名則夫歷八年諸仙舟之所更也貞元元年刺史任侗又治而大之為大中元年民或上書請廢湖為田任事者左右之為出御史李後素驗不撓民以得罪而湖卒不廢刺史李敬方與後素皆賦詩刻石以紀其說以謂當是時湖成二百年矣則湖之興其在梁齊之際歟宋興淳化二年民始與州縣置吏盜湖為田久不能正至道二年知州事丘崇元躬按治之而湖始復轉運使言其事民敢田者罪著為令典咸平中賜官吏職田耳湖之西山足之地百頃為之既而務益取湖以自廣天禧二年知州事李夷庚始正湖界起隄十有八里以限之湖之瀆有地曰林末曰高橋瀾臺中有山曰白鶴曰望春自太平興國以來民冒取之夷庚又命禁絕

而湖始復天聖景祐之間民始相率請湖為田事張大有按行止之而知州事李照又言其事報如至道詔書刻之石自此請湖為田者始息康定間縣主簿曾公望又益治湖至張侯為鄞湖久不治西七鄉之農以旱告張侯為出營度民田湖者皆喜願致其力張侯計力賦材擇民之為人信服有智計者使督役而自主之一不以屬吏人不擾而咸勸趨于是築環湖之隄凡九千一百三十四丈廣一丈八尺高八尺廣倍于舊三之二鄞人累土陞水闕其間而扁以木視水之小大而閉縱之謂之碶總為碶九為埭二十隄之上植榆柳益舊為三萬一百丈又因其餘材為二亭于隄上以休行者與望春白鶴山相直因以其山名山之於此湖者以熙寧元年十一月始役明年二月卒事鞏言湖事甚詳明湖之不宜廢也樓昇為守卒廢為田使七鄉之田無歲不旱異時膏腴今為下地害可勝言哉殿中侍御史王廷秀作水利議

以示有志興復者紹興二年李莊簡亦欲復湖李
不果其後吳之增王正已著廢湖辯反以為利民
之屬而湖終東錢湖以其為利重也在唐曰西湖
不可復矣東錢湖在縣治之西也天寶三年縣令
蓋縣縣未徙時湖在縣治之西也天寶三年縣令
陸南金開廣之木屢濬治周迴八十里受七十二
溪之流四岸凡七堰曰六堰曰莫枝堰曰高坎堰
曰栗木堰曰平湖堰曰梅湖堰水入則蓄雨不時
則啓開而放之鄞奉定十鄉之田資其灌溉天禧
中太守李夷庚又補其舊之廢址增築全固經畫
以制雖甚旱而無凶年惡慶曆八年縣令王安石
亦勤其事釐復湖界嘉祐中始置硤開至治平元
年重修六堤其後菱葑蕩蒲荷失滋蔓不除湖輒
湮寔淳熙四年魏王鎮州請于朝大浚之然當時
所除菱葑未出湖隄既復填淤嘉定七年提刑程
覃攝守捐緡錢置田收租歲給浚治之費朝廷許
其盡復舊址而後來有司奉行不虔田租浸移他
用湖益湮實慶二年尚書胡榘守郡請于朝得度

縣百道
送休且
撥工則
妨閱益
渠復夫
置田也
主之必
葑之必
之府必
司董甘
商學人
湖美夫
林元晉
隨舟大
人已而
以佐郡
有以湖
庸田分
司追斷
復為湖
延祐新
志所謂
欲塞錢
湖

亦七鄉之良水利者助役各論其食不
春夏之交役再舉農不使妨耕其不
戶徐甲之十月七日告成詔勞官有差
贏錢二萬八千三百四十七緡有奇
舊穀碾州歲三十令翔鳳鄉長顧承之
戶五百人為四隅一人歲給穀六石隨菱
別絕其種立管隅一人管隅二十人以
不以時督宗朱吉悉如請仍命提舉常平
事即陶公立烟波館天鏡亭郡人寶文
史弥堅為記自此不雜葑者十六年幾無
湖美夫祐壬寅冬制守陳塏因歲稔農隙命制幹
林元晉會判石孝廣行買葑之策不差兵不調夫
隨舟大小葑多寡聽其求售交葑給錢初止數百
人已而掉舟畏艱至者日千餘前此海湖田租率
以佐郡家支遣至此方全為湖用元大德間勢家
有以湖為淺定請陸田若干畝入官租者時都水
庸田分司追斷復為湖延祐新志所謂欲塞錢湖

此其漸也後鄉民告有司舉行海湖故事拘七鄉
有田食利之家分畝步高下量撥湖葑隨田多寡
關狹俾浚之積葑于塘岸然宿葑春泛冬沉次年
復生則有司所行為具文耳近年重修嘉澤廟有
濯靈之異焚葑不泛荷芡葦蕭生之者鮮然未足
特也每遇旱熯故水注河一舉而涸舊稱一湖之
水可滿三河半而今乃若此其故何哉蓋職守喫
關者不謹啓閉傍湖人通同魚戶每于水溢之時
私自開關網魚洩水無禁必江堰壩又失修理日
夜傾注于江水安得多儲哉原置葑田畝自元
收以入官國朝因之洪武二十四年本縣耆民
陳進建言水利差官來董其事于農隙之時令七
鄉食利之家出力淘浚雖少除葑草而根在復生
湖上漢湖沙土隨由而下久而不治則淤塞如
舊因為陸陌漸成畎畝而上下水田者無慮數千
亩宣德間下水王士華時以參政家居因田其中
七鄉之民陳之監司遂得中止嘉靖九年寧波備
屯軍又請為屯田鄞縣知縣黃仁山用父老嚴

之言勘覆不行蓋湖之修廢大關民瘼詳在河渠
書中生員丘緒議曰東錢湖一名萬金湖故會合
七十二溪之流停蓄甚泓而注漑三縣七鄉之河
其利賴甚博也自昔盡七鄉之河足資三次放瀉
之益雖亢暘赤地而苗不患稿稱為沃野至於今
則淤葑不治而侵塞填壅者相尋兼之漏洩無禁
遇早開放不盈半河窪者不支十日而亢者一不
沾漑欲民之無飢不可得已是以故濬湖之議在今
日當亟講而力行之者也濬治之日有八一日固
湖防夫防以止水所以廣豬蓄而捍潰決也今湖
之為塘者入其尤長者則高秋塘方家塘梅湖塘
也夫塘短則兩山夾隘脉或橫亘于下其勢常固
塘長則兩山不接皆客土所成其勢善崩非至堅
厚不固曩年方家塘決二十里之外皆為魚鱉其
已事可徵已今欲濬湖使深土無所歸宜以所濬
之土即加塘上倍闊二丈增高五尺則雖侵湖二
丈之水而所濬之土既得所歸隄防之築又日以
益固可永免潰決之虞矣二日明水則夫湖水森

漫莫知多寡必置水則以準之然後蓄洩以時而湖水可常盈也自汭湖居民或侵填以為居室或焚植以為園林土薄勢卑湖水一盈輒掩其則至有竊減以就低者御史張景雖嘗改正然亦未能適當舊則也今必於固隄之後準定水則使一湖之瀦恒足三河之用即沒入居室園林皆所不治則所害者少而所利者衆矣况其地本侵湖不治其辜亦已幸矣而况可復加顧慮乎三曰嚴侵塞之禁侵湖之家以水為病春夏水盈輒偷啓諸磗而縱洩之欲湖之無涸不可得已故既立水則之後凡水所不及之地白僭為業者必嚴加丈量永從重則起科而籍之以排花流水使尺寸不得隱則重科之害庶足以抵其白僭之利而民或者其有警心矣蓋已成之業不忍遽壞姑以是抑之嗣是而猶有仍前侵塞必重為之罪且并坐其塘長及里隣凡並湖之民皆許舉首則碼禁之嚴庶幾民知重犯法矣四曰重漏洩之罰東錢之磗有西曰錢堰曰梅湖曰平水曰高湫皆湖之所由以為

盈涸者也比來塘長磗夫皆不貪其利而能多捐功力又不肯愛惜湖水舊聞徒設板築但取薪茅雜沙土壅之恐其決也則減從下不與水則相平水一踰則蕩無限止蓋皆溢且以捕魚為利時常偷放平時無半湖之蓄又何望其為早乾之備哉今必取近湖富戶差點磗夫而塘長亦以上人之家任之則彼當自顧惜而盜洩之患可止矣倘或仍踵前弊開門不固上築欠高或包攬與人或巡哨不謹則重加贖罰不少寬減能無懼而知謹乎五曰去艾葑之害夫湖之所以淤塞者以艾葑蕪蒲菱芡之屬滋蔓其中日久漚積而艾葑之害實居大半自昔至今亦屢嘗濬之矣然或少除葑草而根在復生或雉之未出湖隄而旋復委置其在今日則蕪沒益甚矣謂宜課七鄉食水利之田始令畝先出銀一分不足則增加之務以艾葑盡去為止而所去艾葑必募船裝載出湖直至江汭交卸差其船之大小而優給以直令細民樂于應募而絕其種之復生則民固不

免于出銀之費而要之以佚道使之者也雖盡七
鄉之民而戶徵一人助役但母令諭旬焉有不樂
趨者哉即怨生一時而惠及百年長民者宜不憚
爲之矣六曰公水車之利凡湖中水藻之生可以
糞田往時沿湖居民隨其居址山塲所近各出力
採賣雖其利甚微然亦足以爲小民之一助乃今
豪貴之家依勢作威悉行標管至糞田之時重價
勸民貨賣近湖之民或有取其糞裡者輒肆笞箠
誣一償百夫借七鄉公有之物奪小民近便之利
此豈人情王法之所宜哉濬湖難葺之後當無此
患但木土之性自能化生不久滋蔓則作備之後
豈能免專利者之心哉此在當路者不畏強禦嚴
爲禁止而一以公之于民則濟民者庶不至于病
民矣七曰築隄以通道交葺可以舟載而濬湖淤
土不可以舟載今自高秋柴木等堰凡往韓嶺及
上下水者皆舟于湖屢有不測欲去淤土而便行
人莫如即其中徑直處取淤土而爲之隄起邵家
山跨場家山麓計其長不過四百餘丈闊四丈高

四之一固之以石植之以木則上有所歸湖之
停益富而行者有陸走之便甚大利也或者以買
石固隄費高不貲不知湖心之土欲以力致他所
其費更何如也以此貿彼寧爲失計哉若梅湖與
大湖之間舊有一隄宜亦增高倍廣以去兩涯下
之淤斯可矣八曰因土以成山夫湖之淺濘可濬
也而間有不可濬者何也溪澗沙土隨橫潦而出
壅塞浮漲幾與隄平豪貴之家遂借爲田邊湖小
民率行佃種如近年下水湖口之爲者此廢湖之
漸甚不可不慮也蓋既耕爲田其勢苦窪必洩水
以便業水洩則灘漲皆出効尤而耕之者踵至矣
如此不已湖欲無廢不可得已然漲土積高不可
以頃畝籌算必欲盡出于湖之外即百千之衆誰
能舉之不如因高成丘隨其所聚爲山阜傍樹
榆柳使不爲波濤所嚙如方家湖塘之下有河一
帶非舟楫所通即以傍近淤土填之旣而成田官
賣以充濬湖之費又其地近山谷者卽隨高低大
小聚而埋之則淤土可以盡去而蓄水必多七鄉

灌溉之利萬世當歌誦之矣或曰子之議則得矣其如工費鉅萬民不能堪向哉曰昔人有言不一勞者不永逸不暫費者不久矣西門豹為十二渠民頗煩苦之豹曰民可以樂成不可與慮始今矣老子弟雖患苦我然百歲後期令父老子弟思吾言也其後渠成民卒利之數百歲後猶頌其功不衰况今民失湖利數苦旱災思欲濬治久矣因而堪之有哉今觀唐之陸南金宋之李夷庚凡濬湖有成績者皆祠之不忘蓋可知矣何獨至於今而疑之乎張時徹泛湖詩曰春遊不知遠到處即蓬萊谷引仙霞入舟隨返照來轉沙窺碧漢度嶺踏蒼苔明日歸城市應疑泛斗迴其二瀛洲何處是春盡一乘槎石壁飛青雨天風吹落花地偏長隱鶴水靜自生霞不學任公釣東陵且種瓜知府雲間沈愷詩曰蘭宮桂殿枕丹雘野曙晴分萬水山色倒流青翡翠湖光平漾碧琉璃風流喜有摩詰與王侍郎同行故云淺薄慙非杜拾遺却

乘桂銀漢裡亂雲荒草使人迷參議益曰聞道東湖好春晴更可憐山開中嶺微船柳外牙旗出花邊錦纜牽謾隨驢馬客野史張景議脩築同行政云聊爾效句台知府南昌魏良貴詩曰春日放船好漁歌向處來雲橫峯欲斷天落鏡初開古寺猶聞磬深林獨舉杯白蓮應有約老衲莫相猜郡人都御史王應鵬詩曰湖草青青湖水平酒航西渡入空明月波夜靜銀浮鏡霞嶼春深錦漾屏丞相祠前惟古柏讀書臺上馬但啼鶯年謝豹花開日猶見遊人作伴行馬湖縣南五十里相傳賀知章洗馬小江湖縣西南里唐令王槎湖縣西南二十里馬湖縣東北三里君照修槎湖有張氏世居山經洞橋西塘河西縣公渠河南塘河縣南源出它山經洞橋西塘河西源出大雷山經湖泊轉高橋南通十寶幢河四縣東字港西北抵西渡渠東流入西門

五里源出太白山經東吳河小白河俱縣東四

出大白山二流合于大涵山教場新河縣東五里

前經匯絳橋至江東樊閘清九年知縣黃仁山用父老應文澄嚴池之言役

二初開引橫溪河之水由大石橋磳入濱武塲西

偏蘇灣洪水灣去它山堰一里餘河流鏘而外洩

漫為壑而宅山之水始不得東注民久病之末淳

祐間立石塘以障已而水穴其傍隄潰如昔寶祐

間判府吳潛即其地諸葛灣縣東四十里王家灣

為頃三事詳河渠書抵大江之濱有王氏居故名包家灣縣西北十里

傳下有月兒灣縣東二十五里包家橋形如新月

龍窟公樹浦縣南十里下焉蘆浦縣西南十里

浦縣東南渡桃花渡縣東北三里東渡縣東二

志謂即桃舟宿渡縣南三里寶慶銅盆浦渡縣南

花渡誤番石渡縣南二十五里國朝正統七年知縣楊

北渡縣南二十五里為奉化北界故名唐許渾曉

地窮山盡處江汎水空時露曉蒹葭重李家渡縣

霜晴橘柚垂無勞促歸楫十里有心期俞公渡縣西

南四西渡縣西二十五里新渡縣西二李溪渡縣西

十五里青林渡東至鄞十五里西北俞公渡縣西

北去慈谿溪橫溪縣東南四十五里源出鄒溪縣

南入十里源出菩提嶺桃源溪縣西三小溪縣西

北流至大嵩入於海

十里地名童家光溪縣西南五十里源出四明山

波今為沙塞東經密巖雁天象巖至它山

堰分流洞橋灌莊家溪縣西五十里源出大雷山

桃源諸鄉之田莊家溪東經林村市下壘湖橋入

湖青溪縣東五十五里源出水簾潭綵戲橋潭東

泊青溪洞郭璞有詩見仙釋傳潭綵戲橋潭東

五里舊有龍窟廣表十餘丈孔家潭縣東四里

深不可測至今甚旱不涸

井龍潭縣東五里阿育王山後

六十里早銅盆浦龍潭縣南一十里時或大白蛇

禱輒應邑人相傳謂錫山龍潭縣西南五十里宋

禱即應日湖白龍飛徙於此

于此又名龍窟屈懸磁葑潭縣西南六十里泉深

曲而下莫測其底

葑可下數丈歲旱溪河皆天井龍潭縣西南七十

泗潭水漫出滋田數千畝

冷水潭縣西南五十里潭不及斗許

縣西南八十里下潭縣西南五十里

舊名胡家聖井

俗呼鍾潭者非上潭即平水潭去泉虎跑泉縣東

周氏世居馬

五里天法華泉縣西南二十里

童山

乳泉縣西三十五里資教超惠泉縣西南四十五

寺北味甘色白故名

靈泉縣西三十五里林村下寮山泉從地中出相

傳僧智回卓錫取水水應錫出未必然也

早甚不竭故名池蛟池縣西北

靈泉又曰湧泉

洗馬池見上蓮花池縣西三十五里

池縣東南半里東西有二橋其水連放生池縣東

接市河相傳宋鄭清之宅前照池

十里隱學寺萬工池縣東六十五里天童寺前井府治前井縣

內詳古蹟志西五步縣治前井布德坊參議廟井縣治西四十步

堂前車橋南巷井縣治東南分司北街井縣治東

是也魏家巷井縣治東孟婆井在廟紡絲巷雙井縣治

里許里人涵虛井縣治西南二水仙井縣治西南

王高置仙廟海神井縣治東南洪聖廟井縣東三里廣

前久旱江東雙井縣東三里其源自大湫山來味極

不涸城西陳氏義井縣西四里潮音堂前元里人陳年

張即之潮音堂故額扁于其上既地其子辰易以

后楹而新之又即亭後隙地構樓如亭數國朝

祭酒陳敬宗侍郎金澤義井在北郭灣頭宋嘉定

楊茂元為之記福海壽堂五代孫金澤于其旁捨化成井縣東十

地穿井蓋亭憩飲往來行者故名靈鰻井縣東南二十五里延福

傳一道人見月取水鑿地為井故名靈鰻井縣東南二十五里延福

雨即尹魯井縣東三十里龍山北深不滿五尺歲

應水輒涸濁其馮灣古井縣西二十五里華家井縣

靈異如此三十碧溪亭井縣西南四十竹節亭井縣西南四

里家嶺下上有亭以石水步二所一在縣東南冲虛

為柱琢成竹節故名水步二所觀西一在景福寺

東水則縣西南五十步平橋下宋寶祐間丞相吳

于郡城平橋南立水則書平字于石視字之出沒

四明郡阻山控海水自高而卑盡納于海則田無所灌注于是限以堰開水溢則啓澗則閉其啓閉之則曰平水尺往往以入水三尺為平夫地形在水之下者不能皆平水面在地之上者未嘗不平執三尺以平水水無不平矣余三年積勞于諸磷至洪水灣一役大畧盡矣已未劬農翠山自林村由西門泛舟以歸暇日又自月湖沿竹洲艤城南徧度水勢其平于田墜下者刻篙誌之歸而驗諸平橋下伐石為準榜曰水則而大書平字于上方暴雨漲水沒平字成吏卒請于郡丞路鑰若四澤適均水霑平字鑰如故平橋距郡治甚語可達也都鄙旱澇之宜求其平于此而已矣後之來者勿替于茲哉于時潛既為水則且空其旁地使守令車馬過輒見之即時稽察水候可否 國朝嘉靖十三年知府鄭威建社學于空所失初意矣今宜徙之他所而仍空之使守令時時見平字石立水上即得稽察如故可不煩塘長之申報而展轉失時也載考寶慶志議曰磷開之設必啓閉得宜則

澇有所洩旱有所瀦水常為利其或當啓而閉當閉而啓則胥為害矣四明水患甚至民居沉窞禾稼生耳者無它惜水大過諸磷不盡放故也淳祐二年夏淫雨不止者兩月餘一飽壞於垂成郡守陳澄籌之遂置平水尺朝夕度水增減以為啓閉大槩郡城河濱之水常以三尺為平餘可類推過平以上則當洩間數夕暴雨水驟漲至四尺有奇守夜聽雨聲日視水則時當啓閉率分遣官吏四出斟酌尺寸為放水分數亦或盡板一決城中三喉晝夜使之通流是年雖積潦穀粟蔬果一無所傷乃以稔告蓋常年放水田氓告之都保都保告之縣縣告之郡往復行移動經旬日水之溢者已壑稻之浸者已芽今州郡一聞雨驟水汎不待都保縣道申到放閘之人已遣行矣防患未然後所當法 磷大石橋磷 縣東五里老界鄉天童育王二也 圖志之所不載淳祐二年郡守陳澄重於橋下改作平水石堰又于浦口置閘內可洩水外可捍潮

元末浦漲堰閘皆廢址入演武場一遇大水東七鄉之民輒病昏墊國朝嘉靖三十九年尚書張時徹力言於府縣尋故道而五鄉東西礮十五里河之永絕水患民甚德之陽堂鄉即回江東西礮近因定海知縣宋繼祖別鑿定海之東岡而廢回江二礮若連日淫雨暴水壅至不能驟洩東七鄉之田往往成巨浸而民告饑矣今宜亟復大石橋礮而又於王駐洋之周家堰四都之楊木堰各設礮以補回開慶礮舊名鵲江之廢則七鄉之水不為災也東十里手界鄉寶慶志云已廢為田延祐志載宋開慶元年判府吳潛興水利徧乎四境復創為此礮河流不復滲漏海潮不復入河蕭阜礮縣東南名曰開慶紀更造之年也今復廢手界鄉二十都貝則礮縣東南三十里手東南三十里手界鄉二十一都宋熙寧間鄞主簿黃宁勅襟江帶河疏蓄有備歲久湮什國朝

順五年知府陸阜修治涉歟礮縣東南四十里豐歲弗績八年張瓚完之

東周礮縣東南四古塘礮縣東南四十三里俱樟

木礮縣南三十五里鄞塘鄉三十八都昔為大棟

禾礮縣南三十五里都茅針礮縣南四十五史家礮

縣西南四十五里烏金礮又名上水礮縣西南三

積瀆礮又名下水礮縣西南三十行春礮又名南

西南一十五里光同鄉四十一都按延祐志王元

晞既置它山堰慮暴流無所洩遂為三礮勞則决

口浮三木鵝隨所止而立礮東十五里為烏金礮

入東三里為積瀆礮又進閣礮縣西南四十五里

江水無儲蓄遇旱民輒告病元省元潘夢桂壘石
為礮以時蓄洩礮傍夢桂水閣故名歲久頽圯
風堦礮一名望礮縣西南三十里光同鄉宋熙寧
為之記其畧曰鄞于四明為劇縣占鄉十有六而
公私之田無慮幾萬頃其儲蓄以待灌溉者既無
幾而凡所以為捍防醜導之具吏又忽不時省頽
漏廢圯十或八九不幸天時稍愆亢則其涸可立
待而民輒病間無如何注江流以趨一時之急鹹
鹵敗稼積不已往往田遂瘠惡弗不足耕種不可
下虞大夫乃與民圖之即北渡之西面風堦積石
為礮以却暴流納淡潮既又自州之西隅距比津
疏旋淤之舊增卑培薄以實故堤而作闌于其南
拒鹹水以便往來之舟而東西管數鄉之堰礮隨
以繕完者凡六所蓋川工一萬一千有奇而溉田
五千五百餘頃假財于賑貸之餘而工不費役民
於既病之後而私不勞邑人相與傳之願有以久
大夫之賜于無窮而實因記之今風堦礮久矣

行春至積瀆相距三十里行春居江下流滷汐易
至烏金積石處上游非潮盛漲滷汐不至河渠少
涸江潮尚澄淡可壅入河渠以溉田霖潦亦易洩故
風堦礮他礮為尤要宜亟修復以續大寧之績
語詳河周大悲礮縣西南三里竺迦礮縣西三十五
渠書中村杜氏居東上接流花橋以至泥峙堰胡泊礮縣
水下通積瀆漕以至湖泊礮今廢不治
三十五里四十七都桃源烏金礮縣西三十五里
桃源鄉今廢不治
聖女山東北今徙至四十一都育王礮縣東南九十里
六都翠山莊田者多不便
王寺所築歲久不治元皇慶元餘豐礮縣西二里
年縣尹王思義諭里社修之
廢為保豐礮又名永豐礮縣北三里以洩潦水昔
名曰保豐謂豐年可保也開慶元年判府吳潛因
廣其址改創為五柱四門堅密雄偉雖湍流湧激

不損更名永豐歲久復湮塞老人吳壽
南建言廢在城衣繡橋之石復加修理

閘江東硤

閘東二里許即錢家道頭閘宋厚祐二年土民
湖水上言江東米行河舊有硤閘隨時啓閉內通東

湖來兩岸居民跨河造棚汚穢室塞余家橋夾家
橋低塌河面有妨運載况父老相傳此河通塞于

四明風水最關係乞行開濬復還古蹟仍乞增高
兩橋以通舟楫郡守陳塏倡屬開汚塞去瓦礫重

修浦口疏水二閘改造浦東橋澄波橋各增二尺
以便運載仍差官打量自浦口橋河道南北兩岸

濶狹丈尺從制置使司置立石碑于閘官舍內以
示久遠浦口橋下濶一丈浦口閘外數如之浦東

橋下西濶一丈二尺五寸東濶一丈三尺六寸登
波橋下西濶二丈三寸東濶一丈六尺米行橋下

西濶一丈三尺八寸東濶一丈四尺疏水閘裏濶
一丈四尺胡家橋下濶一丈五尺五寸徵君廟橋

東至棲心寺橋一帶並係大河以上自浦口橋打

量至徵君廟橋河道東西通長二百丈三尺七寸

並係浙尺事載寶慶志中至今殆四百年于茲河

日湮塞舟膠不行水無所洩臭穢薰蒸而旁河居

民不特起蓋浮棚又皆甃石增岸俾左右古遺丈

尺僅存三分之一且浦口閘東西之民盡為台戶

居常以鐵砂壅積成隄育鷄豚置溷厠硤閘日就

頽圯不為用一遇大水淹塌沉竈數日不退而東

七鄉之田無有秋矣民甚病之國朝嘉靖三十

八年秋知府周希哲據里人唐宗玉劄狀遂命鄞
主簿張纁督役興事去砂礫拆浮棚上見天日之
清明下通江湖之脈絡邦人無不稱快然其議則
成于兵部尚書張時徹也于是郡人侍郎屠大山
為之記曰明郡城東渡浮橋之左曰江東江東故
有米行河河故有硤硤故有閘閘曰浦口硤曰江
東寔瀕大江而橋于上亦曰浦口東去廿餘武復
有閘曰疏水閘浦口矣復開疏水何防潰決也乃
宋淳祐二年秘閣修撰陳塏出守用父老言重濬
河修治硤閘橋改今名而民用饗其利至今殆四

害之大者... 給著其事... 之故... 惠澤亭附前碑既復

又新置碑闢于演武場之西導故河而為之設碑

夫一人以司啓閉又慮夾家橋濱河治戶仍前堆

積鐵砂壘草致有湮塞乃請本府出給禁諭不悛

考罰之庶幾水道永利而前... 夷庚陳壇開創

之... 守周希哲曾鑑修復之跡可垂之久遠矣

三與照磨包檣謂此舉修廢興利實地方無窮之

惠澤亭... 立亭以伸眾志乃告于鄉士大夫胥

翕然從之各捐金鳩工作亭于靈橋門內凡三閱月而告成名之曰惠澤侍郎范欽為之碑其文曰

寧波故澤國也鄞為附邑惟東鄉稍稱沃饒河環

東錢湖而行南受金峨白杜橫溪諸水東受呵育

上天童太白諸水河所潴七十二溪又貫輸其中

溉田數十萬頃然湖注於河河復注江勢若建瓴

往往設碑以司蓄泄... 分其支回江今名五鄉者

南以其則東周... 於東而西則碑江東大石益

又諸碑所視以為... 江東直郡城靈門而

宋繼祖以其民與郵民角利乃別築東岡東岡者
回江下流也江更為河去五十里而遠與門又殺
其半濞登橫至符不得洩郵民懼妨穡事不知所
為惟時南京兵部尚書東沙張公方家食宜言於
府曰東岡礮為民設甚著今顧以勞苦甚撫江東
大石故有礮宋陳守壇從民請濬治延廣具有數
誠因今重疏水既通行而諸鄉並獲其利濬東
岡彌宏遠矣事蓋莫亟於茲夫郵微勞而擯重利
恬旦夕而怨遠籌非所以廣德意而先慶喪之
也是在賢守令按故道歸侵土疏濬滯垢復為
股引上流蠶入於江約費緡錢以千百計兩月
可畢工眾心稱便驤首待命斯河厚讓而弗居
當是時威遠周侯希哲方始事值以他累去
春安德曾侯鑑至公復申前議且久以私故抵
百方侯曰苟利於民違恤其他第視如公指亟
下令趣所司庀役即工民乃大來果如期而初
築成連歲大水不為害用之視諸久遠固屬色
頌聲四作郵民老將誌來者

東岡濬治記
屬邑懼

包照磨墮歷大中諸生盧叔麟洪謨鮑道
言記事欽曰嗟乎君子道濟天下而尤思利被
鄉若太守民之師帥所使與民興利除患長養
百者也中世士大夫鄙夷其鄉上焉者象數自
置休戚不問聞不且便利身固即所關說是非無
所慮吏治宰一切苟簡以薄書期會為亟儻攫
華虛恢無當嫺然靡有軫念民隱之心斯其人可
與共圖化理邪公以雄才宿德蒼生屬望而侯庶
靜方毅名日起茲所展措益自宋以來迄今且四
百年是何功之勤茂而濬澤滋暢也余未暇遠引
即鄉先生魏峴陳說迴沙間便宜陳秘閣藉以樹
名王元疇暨它山陸南金李夷與相繼濬東錢湖
民到于今尸祝之視此豈不更相輝映哉信可記
已辭曰芒芒神州畫為九野揚惟歷區厥田下下
我勤斯赫曰東鄉者阻湖枕江奔流橫灑爰藉諸
莫不嗟嗟南田彌望皆水萌庶鬱伊何術可候顯
允慈靈惟大同焉振我鄉氓覆被廣夏天界令侯

東岡濬治記

三五

德音不瑕委神拯寃曰惟在我事稽故迹翦翳滌
宜豐功邇奏史超白跨稻梁騰騰充塲溢舍蒙也
論著獨附頌雅於百斯年施林家道頭閘縣東三
在民社續武者誰勗哉流亞林家道頭皆有開今多
元廷如志云林家道頭錢家道頭信國公湯和以林
塞其故址猶存國朝洪武初信國公湯和以林
家道頭開其水自寶幢而來綿亘四十餘里勢如
利矢直射郡城在堪輿家所深忌于是并其故址
而廢之且官驚其地于並開之民為慮舍其錢家
道頭即今江東破開自浦口橋至樓心寺橋東西
相距不過半里是則無犯于堪輿家
青固宜通其湮塞而復其故道云
西門外屠氏橋閘縣西南三里迴風閘縣西南三里
花園側縣西南五里宋淳祐二年郡守陳增置其
少閘地則定山堰吳家橋之舊址荆幕林元晉
記其畧曰慶元表東海地枕江抱湖不政舉
宣年不則為沙淳祐改光宗司齋陳公山

世失穩之故文老曰是邦諸水而啓閉以時者
啟世而不防則乾積而不醜則溢歲久圯民甚患
之夏勞公切歎一曰保豐復礮二曰十門曰大河
橋修礮號為喉者曰食曰水曰氣是歲東西俱歉
于勞明獨有秋公曰今所導者流耳盍治其源城
門內外為湖為港鄞西七鄉以飲以溉皆源於它
山它山而上則又大溪之源越水所注夾岸沙瀾
望雨則與水俱下長官堰下上級皆三十六其上
沙沒殆盡下不沒者五六梅梁天矯之狀不可復
見其盪入于溪者數里溪流幾斷于是井皆及鹵
田苦竭澤歲浚至三四役工數萬計民亦勞止間
有暴漲自西岸而下潭塞尤甚一日公顧其屬林
元晉曰岸之防固未易圖浚治之繁而無簡要之
策與其浚于既積不若過于未至水輕清居上沙
重濁居下宜開以止之水平則啓通道如故沙聚
於外則去之易為力會吉州魏侯峴以書來述鄉
民意與公合卜于長官祠下又合乃度地吳家橋

去大溪五十尋而近經始營之侯家溪上疏宅山
之澤夙有功肯總其事佐以新進士安君劉合志
堅久起秋八月戊寅迄冬十月丁丑無一日不晴
已乃雨是殆天所助人情大悅公命元晉記之公
名豐長樂人附峴之言曰四明登陸之勝萬山深
秀昔時巨木高森公溪平地竹木亦皆茂密雖遇
暴水湍急沙土為木根盤固流下不多所淤亦沙
開涵良易近年以來木值價穹斧斤相尋靡山不
童而平地竹木亦為之一空大水之歸既無林木
少抑奔湍之勢又無根纜以固沙土之留致使浮
沙隨流而下淤塞溪流至高四五尺綿亘二三里
兩岸積沙侵占溪港皆成陸地其上種木有高二
三丈者由是舟楫不通田疇失溉人謂古來四季
一浚今既積年不浚宜其淤塞夫浚之一寸則田
獲寸水之利浚之一尺則田獲尺水之利浚之愈
深所既愈遠為利愈溥矣雖然陶沙當於未旱之
先又當棄之空間無用之地何則旱歲淘沙此救
一時之急耳是時農夫皆自欲車注以救就稿之

苗其勢不可久役稍或違時苗已穡矣宜于未旱
之而農隙之餘多其工役假以日月務令深廣庶
幾可久天下之事不一勞者不永逸不暫費者不
久安若憚費畏勞用工不深其効亦淺或畧開沙
中之港而不去港中之沙止可為旱歲急救早苗
之計經一小雨則沙淤隨塞或去港沙堆兩岸經
一大水則仍流入港中如能運沙遠去江近則棄
于江水之中江遠則堆于空間之地曠幾可久然
地皆民地種植所資安得空間宜臨時相視遇突
坎空閒處不憚稍勞則可矣但戒董役之人務在
公平不得容私獨堆一處則人心自服如能浚深
一尺或二尺其利尤博開浚之時先宜壅住上流
然後從下流為始庶得沙乾堰宅山堰縣西南五
不先為水所浸沒易以用力堰宅山堰十里通遠
無以漑唐太和縣令王元暉始叠石堰兩山間
濶四十二丈級三十有六冶鐵灌之渠與江截為
二渠流入城市綠鄉村以汲以灌其利甚博民甚

德之立祠堰旁宋建隆間堰損水不入渠節度使
唐意見水刻醜世乃盡塞文流稍淡上源因以其
土室補堰隙復累石於上以遇入江之美流水漸
引以北越一歲復涸發募張必強郵令龔行修又
歷視舊堰修之益卑以高易土以石右鐵以固之
水遂通行嘉定七年提刑程覃攝守謂奔湍流沙
沙壅水滯乃勢之常歲不一治之厥後用力益艱
掄俸置田四十畝委解之強幹者掌其租入歲給
役夫之費督以邑丞意則善而行之者寔具文十
四年泉使魏峴以鄉郡為念請于朝得祠牒十委
里人朱王二氏按渠堰磧間之廢墜者重加修築
潮則七分歸江三分入溪旱則七分入溪三分歸
江于是隄防濬導歲以為常日久稍稍旁有罅漏
國朝嘉靖十五年知縣沈繼美用石版豎巨堰口
者半高于舊堰一尺許以故水之入溪者如故民
更稱便相傳下有梅梁如龍昂首以築堰久而不
朽乃或誤傷流水如血故歸直詩及之然所議石

堤之策莫善於延祐志所載其言它山一境其地
皆沙納水之咽既窄引水之港復狹以致流沙易
於壅塞沙之入港凡有三馬七八月之間山水暴
漲極目如海平地之上水深丈餘湍急汛疾西岸
之沙徑從平地橫戛入港頃頃沙淤滿一也或遇積
潦雖不沒岸而溪亦湍急沙隨急流迤邐入港日
引月長不覺淤塞二也自港口至馬家營一帶兩
岸之沙或因霖雨衝洗或因兩岸坍塌或因木植
衝擊積久不已亦能填淤三也欲障平地之沙宜
于兩岸去港一二里買地一段南自港口北自山
下以屬于溪北去港遠南去港近帶斜築壘隄以
粗石闊為基址高七八尺外植檉柳之屬令其根
盤據歲久沙積林木茂盛其隄愈固必成高岸可
以永久欲障積潦湍流入港之沙宜就吳家橋南
港狹去處立為石閘中頓開版五六片畧與岸平
水輕在上沙重在下水從版上不妨通流沙遇閘
版碍阻不行沙之所淤不過閘外三四十丈淘去
良易版之為限以水為則水漲則下水平則去啓

閉以時不病舟楫欲障兩岸之沙宜於兩岸釘椿
粗石壘岸上覆石版如城南塘路庶免水洗岸沙
木植衝擊之患然置開砌岸可以防平常積雨港
內之沙或遇大水徑自西岸擁沙而來非二者所
能禦石隄之禦此上策也夫自廣德湖廢而西七
鄉之水全賴于此其先後經營之迹詳在河渠書

中唐家堰 黃家堰 俱縣西南 長堰 石堰 范

家塘堰 又名橋木堰 俱縣西南 朱家堰 縣西南三北渡

堰 何家小堰 俱縣西南 沈家堰 縣西南三 徐家

堰 翁家堰 俱縣西南 樓家堰 華家堰 黃家

藕池堰 祈湖堰 俱縣西南 范家堰 屠家堰 俱

西南二里 刑家堰 桑塘堰 陳五香堰 俱縣西南

季家會堰 王師堰 縣西南 塘頭堰 小河堰

蔣家堰 大蘇堰 俱縣西南 張家堰 朱瀨堰 俱縣

十五里 鄭郎堰 今名鄭郎堤 瓦窰堰 縣西南 崔家堰 縣

二里 和尚堰 縣西南 邵家堰 縣西南 金家堰 西渡堰

朱將軍堰 俱縣西南 自它山堰 至

此四十九處受它山大雷山之水並傍鄞江之西

倪家堰 縣東 道士堰 舊名林家堰今改名 徐師

堰 縣東 梅墟堰 縣東北 石家車堰 又名舊

堰 縣東 梅墟堰 縣東北 石家車堰 又名舊

東五里王駐洋堰縣東五里舊談揚樹堰縣東二十里

置礮開以洩東鄉之潦而補張家堰縣東三十里

回江之廢乃水利之至急者師堰縣東渡頭堰縣東

在老界鄉阮家堰又名余師堰縣東大花山堰山小

十里桃枝堰縣東南陸家堰在陽堂鄉施婆堰俱縣東南

山堰臨江堰俱縣東南鍾家堰俱縣東南古塘堰俱縣東南

鄉長塘堰縣南二十五里戴蔣堰古塘堰俱縣東南

之洄累築累敗役戶坐是蕩產者十七八里十黃

堂相地勢謂河洄本以溉塘下之田於河洄鄰江之地

舊河之洄使仍可溉塘下之田於河洄鄰江之地

各捐半里許于其外為一堰以殺水銅盆浦堰東

勢舊塘遂堅壯民病始蘇至今賴之銅盆浦堰東

南十里花堰又名蝦堰縣葛區堰縣西南四十里

五里自倪家堰至此二十三處並傍鄞江之東大

皎堰縣西南禪巖堰縣西南鄺童堰縣西南西高

堰縣西南杉木堰縣西南通小溝引江潮入河溉田數

千頃潮湧人則人不可行國朝弘治初為石堰

塞其溝塗行者雖便而水利不通民甚病之謂宜

易之以礮而上跨以橋然蘭浦堰縣西南四十五

後行者居者兩得其便泥峙堰縣

在句此它山堰水所從出之處置之泥峙堰縣

章鄉此它山堰水所從出之處置之泥峙堰縣

均限靈泉水利北流者出李蘇橋以至水經港東

流者出... 黃梅堰 縣西三十六里四十七八都
以至... 界以均限大雷山水所從出之
上出鳥... 此自大雷山水所從出之
已上二... 梅湖堰 栗木堰 俱

處置之 錢堰 縣東南三十里
東南三十五里 平水堰 莫枝堰 俱縣東南
里陽堂鄉 大堰 縣

南三十里 高湫堰 縣東南三十里
七里 高湫堰 上四堰俱在翔鳳鄉 自錢堰至此

七堰並傍東錢湖 附錄廢堰四 上河堰 下

河堰 在縣南三十里 乃鄰塘鄉姜山之前上下
錢湖水通下河則銅盆浦有堰常浦進林有磧通

奉化江潮雨湧則江湖接之二河漲水相迎故堰
善崩按延祐志謂二堰各遷十餘丈則依山之麓

易于隄防往往得自往橫溪之源回環舊河中可概

田五六百畝而得常北津堰 舊圖經云北津在
稔亦無妨他鄉水利 西北二里多歷年所

外受江潮之衝木朽石頽秋潦至則鹵灌于河農
以為懼舟楫之往來者亦病之宋寶祐間郡興工

修理因舊增高內分兩傍各甃砌堰臂七層造
屋四間據此則是堰亦為鄞西咽喉今廢不治仲

夏堰 縣西南四十里唐太和元年刺史于季友
蓄之溉田數千頃後因王元暉別塘江塘 一在老

置它山堰疏而為河此廢不用 塘 界鄉
東隅七畝 在勤塘 石塘 老界鄉 二河塘 一在清

鄉二十畝 都六畝 王駐洋塘 老界鄉 一梅湖塘

鄉四十六畝 都七畝 下四塘俱並東 高湫塘 翔鳳

錢湖另設磧閘而以時渚洩其水 都六畝 方家湖塘 翔

五都三畝 十六 平水堰塘 都六畝 都六畝 鳳

鄉十四 五都界 霸西渡 霸縣西北二北渡 霸縣南二鄭郎

壩 舊名鄭郎堰 林郎壩 舊名土堰 縣用五里已

便舟車迎送下二壩地僻為 近土壩 治東開明

橋 按察分 迴途橋 布政分 隱仙橋 觀後積善橋

餘慶橋 俱鄭丞相照池左 琅琊橋 頭 做絮橋 廊

巷都稅院橋 東渡 生薑橋 團橋 團橋 東渡 鹽蛤橋

團橋 縣治東南 張家橋 醜塘 小江橋 永豐庫 古石

橋 廿九 霓橋 林家橋 營全捷 王家橋 連桂 陸家橋

坊連桂 水月橋 延慶 探蓮橋 洪橋 水月 側行香橋 探

白龍王 鄞江橋 白龍王 廟東 文博橋 街口

俱沙 獅子橋 興教 塔兒橋 連桂 亥

馬家石橋 東河 黃家橋 東河 馬家莊

石橋 東河 吳家橋 東河 汪家木橋 嘉賓 史府橋 泥

街 興教橋 境清寺 丘家橋 迪教 御書橋 獅子 王家

橋 袁學士 行宮橋 宅西 石橋 四府 車橋 江心

橋 新排橋 伴食橋 訛呼 洗馬橋 福明橋 城

廟 泰和坊橋 冲唐 縣治南 皇封橋 宣化坊 蕭家橋

宣化坊 柴家橋 萬壽寺 廣惠橋 萬壽寺 市心橋 千歲

里人王廣濟橋 通安橋 魯家匯南一 木欄橋

高重修 新橋 城隍廟西 周家橋 新橋 普照橋 褚家橋 家

帶 漁欄橋 又名吳 捧化橋 日湖 倉橋 靈應 桂芳橋

南門裏宋高閔兄弟 清洞橋 舊名甬水門裏橋 縣

五人皆登科第故名 治西南萬歲橋 又名千歲橋 竹行橋 千歲 章耆巷

橋 宣家橋 千歲 光祿橋 飯行橋 舊名慈 迎鳳

橋 平橋 舊名四明橋有亭開慶元年守吳潛於

醋務橋 崇教寺側舊名酒務橋嘉靖三 永安橋 魯

北 匯西 水仙橋 青石橋 均奢橋 眾樂橋

驛 建碑橋 昇平 昇平橋 四明驛東一 尚書橋 賀

西 舊名澄清橋 一名幢幢西橋 國朝天順 問字

橋 縣西南四明驛前 國朝嘉 湖心東橋 湖心

西橋 錦照橋 月湖錦 虹橋 一名感 衮繡橋 史相

帶 錦里橋 月湖竹洲西 永寧橋 社壇橋北 縣

社壇橋 一名牢家橋 尚書橋 先為宋尚書汪大猷

之 畫錦橋 靈應 縣治西渡母橋 一名純孝橋因地

清瀾橋 俗名 天寧寺橋 舊名 河利橋 虹橋 壽

南 府社壇橋 望京門裏大德元 迎恩橋 一名仁安

縣治西北鑿橋 鹽倉橋 貢院橋 府後橋

府東橋 府西橋 祝都橋 頂戴橋 朝桂

東上橋 四港橋 俱市船 中上橋 北新西上橋 文

坊水浮橋 方家橋 御史董林立 林鱗魚橋 俱天

後烏黯橋 賀都監橋 新門 縣治北 乾礮橋 阮

家橋 壽昌橋 泰和橋 餘慶橋 見谷橋

城東東津浮橋 縣治東靈門外跨鄧江唐長慶三

上長五十五丈闊一丈四尺初置東渡門外江闊

水駛不克成乃徙今地有經始時雲中有映其

上眾咸異之初名橋曰靈現又曰靈建以修屢修

樓地至元二十八年廉訪陳詩造船十有四聯

巨纜歲久損壞國朝洪武二十七年郡人黃功廟

建言增設船二隻僉民七十二戶守之止統間郡

守陸奇乃為新舟始治鐵聯索維之復建亭橋西

成化丙戌郡守方達嘉靖間知縣劉宗仁徐易守

張正和周希哲皆修之未久即壞蓋守江徭戶大

半徵銀在官其留者不親應役率募市棍充之防

據以為賈肆此當亟為修復者也 東北塘河抵

寶幢育王一帶東鄧橋 縣東二里許止德間 王家

橋 縣東三里王家率 大河橋 縣東三里許 張斌橋 縣東

雷公橋 縣東五里 七里店橋 縣東二里 福明橋 縣東四里 盛

店橋 縣東二里 盛店港口橋 縣東二里 新橋 縣東二十

建庵屠官墳橋 縣東二十八里龍山之北 鄧山橋

縣東三 匯緯橋 縣東三 回江礮后橋 縣東三 白紋

橋 縣東三十五里嘉靖 斗門橋 縣東三十七里鄧溪橋 縣

四十里上有史 姜皇后橋 縣東四十里石下庄鎮

氏鄧溪書院 葛家橋 縣東四 匯緯橋分路抵東

橋 縣東四十里 吳小白天童一帶李家洋橋 縣東三

六九星橋 縣東三 鄭家橋 縣東四 大涵山橋 縣東

里 秋波橋 縣東四十五 府前橋 縣東四十六里三

溪橋 小白橋 俱縣東 虹橋 天童寺 劉家店橋

鳴鳳橋 青障橋 俱縣東 五路溪橋 舊名 東洞橋

大橋 俱縣東六 東中塘河抵栗樹塘堰一帶浦

東橋 縣東二里并 澄波橋 縣東三里浮橋東 米行

橋 胡家店橋 董孝廟橋 一名微 會安橋 崇

壽橋 俗名七 拘水橋 解院橋 高家匯橋 一名

橋 賣席橋 一名和 虹橋 俱縣東 鎮安橋 縣東南五

南 國朝嘉靖九年里人嚴訛等請開新河率衆

鼎建東接大石橋映西通江口開為今要害之衝

三 綵戲橋 縣東五里宋史彌鞏故宅西彌鞏乞祠

朝嘉靖間里人王 李家橋 縣東六里元至正間李

南七里旁有白鷗橋宋昭橋縣東南十里朱家橋縣東南十二里橫石橋

縣東南十三里蔡家橋縣東南十五里搬火橋縣東南十六里四港橋縣東南

南二里報恩橋縣東南十二里楊木橋縣東南十五里沙家店

橋縣東南十里八字橋縣東南十二里東南塘路自橫石橋

分路抵橫溪一帶大象橋 周賣魚橋俱縣東南五里武

陵橋縣東南十里三橋縣東南十五里錢家橋縣東南二十里陳

婆渡橋縣東南十二里張村石橋縣東南二十里胡野橋縣東南

里十鄧橋 雲龍碶橋 虹橋 頰橋俱縣東南十五里鄭

灣橋 太平橋縣東南十八里三黃山頭橋縣東南四十二里滕公

橋縣東四十里擇陽橋 陸廣橋俱縣東南四十五里自太

平橋入西抵白杜一帶趙泥橋縣東南四十二里張義橋

縣東南四坊橋縣東南四王家橋縣東南四都憲

橋縣東南四十五里嘉靖七年 迎恩橋縣東南四十五里嘉靖十

三年封淑 惠卿橋縣東南四十五里人王惠卿建 同方橋

人金氏建 朱家碶橋縣東南四十七里上游橋縣東南四十八里接

十六里 奉化 南塘河抵它山一帶長春橋一名向甬水橋

俗名下駕橋 南新塘橋縣南三里甬 沈店橋 通

又曰夏家橋 津橋縣南十里尚 雅兒渡橋縣南十五里舒氏九

書張時徹建 春女捨奩具建嘉靖

三十八年里
人周玉重建
新豐橋縣南十里
寶祐橋縣南二十里
俗名櫟社橋

崇福橋縣南二里
顏橋縣西南三十里
北渡橋
眺江橋縣俱

西南三
王張橋縣西南三十五里
仙橋
港口碇橋縣南三十五里

七鄉橋縣西南三十八里
田古有浮梁為風濤所圯國朝永樂三年

重建石
浮石橋
王家橋
繼先橋俱縣西南四

美洞橋縣西南四十五里
舊名高橋朱氏建
馬湖橋縣西南五十里
惠明橋

縣西南五
慶孫橋縣西南五
定山橋
許家橋俱

西南五
吳家橋縣西南五
鄞江橋縣西南
百梁橋

縣西南五
二十里
元貞橋縣西南四十里
元貞
徐家渡橋縣西

世則
元貞橋縣西南四十里
元貞
徐家渡橋縣西

建
元貞橋縣西南四十里
元貞
徐家渡橋縣西

十二里
斗門橋縣西南五
三石橋
翻石橋俱縣

里
白沈店橋抵西南鄉一帶像鑑橋
連湖橋俱

西南十
文秀橋縣西南
孝庵橋縣西南二十里
橋

祠故名嘉靖三十二
年尚書張時徹重建
薦橋
宋家橋
王家橋

洗馬橋俱縣西南
白鶴橋縣西南二
下傘橋
張

尚書橋尚書張
傅學官橋
周家大橋
周學士

橋俱縣西南二十五里
出
六和橋縣西南三十里
名胡家橋

五馬橋縣西南三十四里
資善橋縣西南三十五
里舊名五港橋

國朝天順八年里人知府戴方伯橋縣西南三十里鄭家漕

浩建嘉靖十五年載修重修縣西南三十里鳳巖市橋縣西南十五里揚墓橋縣西南三十里西

南至桃源一帶包家橋縣西六里白龍王廟橋縣西七里顏

家橋縣西八里賣面橋縣西十里藕纜橋今改雲龍橋天仙橋俱縣

西南十里朱郎中橋縣西八里湖白橋縣西十里跨湖橋

縣西二十一里宋政和開郡守鮮袂匯頭橋縣西

樓昇廢胡為田建橋以通往來縣西嬰脰湖橋縣西九里屠家橋縣西南十一里樓太師廟橋

縣西南十二里袁打車橋縣西南十四里十字港橋縣西南十五里

楊官人橋縣西南八里聖仙橋俗名關山橋

磻溪橋 武陵橋俗名版橋萬安橋俗名洞橋流花橋俱縣

三十里張洗馬橋縣西南十五里翠山寺橋縣西南五里

自寶祐橋北抵建巖一帶裏港橋縣西南二十里太平橋

善慶橋俱縣西南二十五里千丈鏡橋一名鏡川橋明行橋俱縣

西南二里顧家滙橋縣西南十七里新橋縣西南八里虹橋

縣西南二里桃浦橋相傳浦有桃樹大廿圍陰蓋里許凡塔井俱以桃名至今根株

不朽虞家虹橋里人虞氏建沈家虹橋 繼義橋里人

虞沐邵絲螺橋 上弘橋 彰聖橋 楊官人橋

宋咸平間里人毘陵 三僧橋俱縣西南四十里夕陽橋縣

南四十建畧橋 陸家橋寶巖寺前 周大鼻橋 土橋

俱縣治西南 自沙港西一帶 烏黯橋縣西南四十里 仲

夏橋縣西南四十五里 有大橋徑趨小溪宣和

舒國佐重建鎮官游彥忠成之莊漢英張允明莊

椿輸財鳩工經始於十四年之八月落成於次年

仲夏故名 仲春橋 祝家莊橋俱縣西南四十里 尚書橋 石

塘橋 何家大橋 流花橋俱縣治西南三十里 潘

家大橋縣西二十五里 天象橋縣西三十里 西塘河抵

西壩一帶慶豐橋舊名望京橋 望京橋縣西四里 大卿橋詳第宅志

新塘橋俱縣西二里 新河橋縣西四里 宋寶祐四年西

城橋縣西五里 西洞橋縣西六里 望春橋縣西八里

橋新橋縣西十里 西店橋縣西十里 高橋縣西二十里 西壩

洞橋縣西三十里 自望京橋抵西北一帶 金版橋縣西北五

里嘉定八年 馬功橋縣西北五里 自桃花渡抵白沙一帶

孟陽橋縣東北三里 敬思橋俗名馬郎橋在

氏墓道 引德橋去孟陽橋二十餘步南接吳 磚橋

縣東北五里有橋 橋舖通定海界

寧波府志卷五終

Faint vertical text columns, likely bleed-through from the reverse side of the page. The text is mostly illegible due to fading and ghosting.

寧波府志

四

